



सानसेयारि बड'सा

सानसेयारि "बड'सा" खैरौलाइयाव अमाजयारि जिउजो लोब्बा थानाय रायथाय, बरन्थाय, अल, अल'बाथा आरौ दावबायारि थावनि, पार्क बाइदिनि स्याय लिरनाय लिरबिदां दैथाय हर/ सानसेयारि "बड'सा" खैरौलाइया खेबखानावै फोस्रावगोन/ बड'सायाव लिरहरनायनि हुवा खालाम, "बड'सा" खै नैथो, जौ बयबो आंगो खालाम/

सानसेयारि बड'सा मावखुलि
माइबं नोगोर, जोहोलाव दैमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 8 January, 2025 Kokrajhar, BTC, Assam ★ Vol.-33, Issue No. 282 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

भबानिपुराव गिखंथाव लामानि जाब्रबथायाव सासे जोखोम

64 थि बर' थुनलाइ आफादनि डिमाकुसि जथुम्मानि साखा-फाराया आबुं जाबाय

फैगौ 9 निफ्राय 12 जानुवारीसिम जथुम्माया खुंजागोन

भबानिपुर, 7 जानुवारी: भबानिपुरनि कहराआव 27 नं माहारियारि राजा लामानिफ्राय गंसे खारबाय थानाय 16 साखानि गेदेत मुवा-बेसाद रोगाग्रा ट्राकआ सामलायनो हाये जानानै लामानि सेराव थानाय हाख'राव गिखंथाव जाब्रबथाय जादों। मख'नो गोनांदि, 27 नं माहारियारि राजा लामाजों गुवाहाटी फोसेस थंबाय थानाय एलएल 01 के 6012 नम्बरनि 16 साखानि मुवा-बेसाद रोगाग्रा ट्राकआ खारबाय थानाय (□ 6 बिलाइआव)

उदालगुरि, 7 जानुवारी: बर' थुनलाइ आफादनि 64थि जथुम्माया गेजेराव सानसेल' आद्रा दंसे। मख'नो गोनांदि, उदालगुरि जिल्लानि भारत-भुटान सिमना ओन्सोलनि साखाथियाव थानाय डिमाकुसिनि दैमु नोगोराव सानसेनाइ गेदेत हाबाफारिजों खुंजानो गोनां बर' थुनलाइ आफादनि बोसोरारि जथुमनि साखा-फारा आबुं जाबाय। सानफोमबो गुबुन गुबुन जायगायाव खेराइ, बागुरुम्बा, बारदे सिखा, बिहु मोसानायजों



लोगोसे गुबुन गुबुन हारि-हारिसानि मोसानाय फोरोंथाय होनायजों लोगोसे सा 500 निखुइ बांसिन भलन्टियारफोरखौ फोरोंथाय होनां बान्जाय आफादआ साखा-फारा खालामदों। सानफोमबो 50 रोजानिखुइ बांसिन सुबुंफोरखौ रंजा-बाजा बरायनो जिल्लानि डिमाकुसि दैमु नोगोरा थियारि जाबाय। मख'नो गोनांदि, उदालगुरि जिल्लानि सिखाव थानाय दैमु नोगोरनि साखाथियाव बर' हारिनि बयनिखुइबो देरिसिनि (□ 6 बिलाइआव)

बड'लेण्ड मुलुगसोलोंसालिनि बान्जायनायाव बकाखातनि चन्द्र नाथ बेजबरुवा फरायसालिमाया हारिमायारि सावराय जथुमा खुंफुंजाबाय

कक्राझार, 7 जानुवारी: बकाखातनि बिगियान गोजौ सोलोंथाइ फसंथान चन्द्र नाथ बेजबरुवा फरायसालिमाया 6 आरौ 7 जानुवारी साननैनि हाबाफारिजों हारिमायारि थाखोनि सावराय जथुमा खुंफुंजाबाय। बिगियान आरौ बिरोंदामिन, समाज बिगियान, हिउमिनिटि बायदि आयदाखौ लाफानानै खुंनाय बे सावराय जथुमाव भारतनि गुबुन-गुबुन राइज्योनि अनगायैबो डेनमार्क, फ्रान्स, ईमेरिका, इउके, नेपाल बायदि हादतनिफ्राय अनलाइन आरौ अफलाइन बिजोनि गेजेरजों गासे गं 225 रिचार्स लाइ फरायथियो। बे सावराय जथुमखौ चन्द्र नाथ बेजबरुवा फरायसालिमा आरौ बड'लेण्ड मुलुगसोलोंसालिनि जुथायै बान्जायनायाव खुंनाय जायो। 6 जानुवारीखालि बड'लेण्ड मुलुगसोलोंसालिनि भाइस चेन्सेलर बाबुलाल आडुजाआ आलायि बाथि फोजोनांनै बेखेवनायनि उनाव बिथाख गहाइ आलासिनि बिबुंथि होयो। गावनि बिबुंथियाव बिथाख चन्द्र नाथ बेजबरुवा फरायसालिमानि बे नाजानायखे बाखानायनै बुडेदि गियान बेफुरसारनायनि बे (□ 6 बिलाइआव)

उमरांसु खैला खनियाव कक्राझारनि गंनै नख'रनि मावफारियाफोरा थाबथानानै दं

कक्राझार, 7 डिसेम्बर: रांखाथिनि आंखालाव गोलैनाय नख'रखौ सुंथानो थाखाय डिमा हासावनि उमरांसुनि खैला खनियाव खामानि मावनो थानानै खैला खनियाव मैयानिफ्राय थाबथानानै थानाय जाथया ओन्सोलजों लोगोसे गंनै नख'रनि गेजेराव गोखों फिनजाथया सोमजिहोदों। रायखानो गोनांदि, मिरु सरकार, राइज्यो सरकार आरौ बिटिसि सरकार मिसन डिजनजों लोगोसे गुबुन गुबुन सुबुं अन्साइयारि बिथांखि आजावनानै मावफुंदेंबलाबो थोरैनो बे बिथांखिफोरा निखावनि सुबुंफोरनिसिम सहैनो हायाखे बेखौ (□ 6 बिलाइआव)

राइज्यो बेंगिरिया श्री श्री अनिरुद्धदेव गेलेमु मुलुगसोलोंसालिनि बिबानगिरिफोरजों सावरायलायदों

गुवाहाटी, 7 जानुवारी: आसामनि राइज्यो बेंगिरि लक्ष्मण प्रसाद आचार्यनि दैदनायाव दिने डिब्रुगड् जिल्लानि चाबुवायाव श्री श्री अनिरुद्धदेवा गेलेमु मुलुगसोलोंसालिनि हाबाफारि आरौ गुबुन जौगाखां खामानिफोरखौ नायगिदिनो थाखाय मोनसे सावराय मेल जथुमो। भाइस चेन्सेलर प्रफेसर जेपि भर्मा, जिल्ला बेंगिरि बिक्रम कैरि आरौ सुबुं लुफुंथाय बिफान (पिडब्लिउडि) आरौ मुलुगसोलोंसालिनि गुबुन गोजौ थाखोनि बिबानगिरिफोरा बे मेलवा नुजाथियो। सावराय जथुमनि जागायजेनायाव, भाइस चेन्सेलर

प्रफेसर भर्माया मुलुगसोलोंसालिनि सोलोंथायारि दाथाय, फरायफारि, फोरोंनाय आरौ खुंथायारि मावफारियाफोरनि गोहो आरौ मासि बायदिनि गुवारै फोरमावथि होनां मोनसे दिन्थिफुंनाय जायो। बिथाख मुलुगसोलोंसालिनि हाबा मावनायजों सोमोन्दे थानाय गोबां आयदाफोरखौबो राइज्यो बेंगिरिनि नोजेराव लाबोदोंमोन। राइज्यो बेंगिरि आचार्य आ लुनाय हाबाफारिफोरजों लोगोसे मुलुगसोलोंसालिनि गुबुन गुबुन बिथिफोरखौ नोजेराव होयो। बिथाख पिडब्लिउडि बिबानगिरिफोरखौ लुनाय खामानिखौ थाबैनो फोजोबनो बिथोन होयो, जाहाथे मु लु ग सो लों स ा ल ि य । फरायसाफोरनि थाखाय गावनि गासिबो खाबुफोरखौ थियारि खालामना खामानि मावनो हायो। मुलुगसोलोंसालियाव गेलेमु रंग थिफोरखौ जोथोन लानायनि खाबु दं, बेनिखायनो राइज्यो बेंगिरिया भाइस चेन्सेलर आरौ (□ 6 बिलाइआव)

दिल्लीआव एडभान्टेज आसाम 2.0 र'ड शआ गोजौ थाखोनि दारिमिनगिरि आरौ राजथान्दैफोरनि गोसो बोनो हादों

गोदान दिल्ली, 7 जानुवारी: गिबि मन्थि ३ हिमन्त बिश्व शर्मा दैदनाय आसाम सरकारा एडभान्टेज आसाम 2.0 - इनभेस्टमेन्ट एन्ड इन्फ्रास्ट्रक्चर समिट 2025 नि सिगांनि बाहागो महैर गोदान दिल्लीआव गोजौ थाखोनि दारिमिनारि सावरायनाय आरौ राजथान्दैयारि सोमोन्दे लानाया जाफुंसरै खुंफुंजायो। गुवाहाटीआव फैगौ 25-26 फेब्रुवारीयाव जानो गोनां बे जथुम्मानि थांखिया सेमिन्डक्टर, एर'स्पेस आरौ रैखाथि, आदार प्रसेसिं, दावबायथाय आरौ गोदान गोदान गोहो बायदि सेक्टरफोरा रां थिसन्नायखौ गोसो बोहोनाय।



दिल्लीनि हाबाफारियाव आसामाव रां थिसन्नायनि खाबुफोरखौ नायगिरनो थाखाय गाहाय दारिमिनगिरि फोर आरौ स्टे क होल्डर फोरजों मोनसे रोखोमनि मावखाथियायारि जथुमफोर, दारिमिनारि राउन्ड टेबल सावरायलायनाय जायो। दारिमिन दैदेनगिरिफोरजों गहाइ (□ 6 बिलाइआव)

बरडाजुलियाव आदिबासि महासभानि गहाइ खुन्थिया गायसन्दों बुंथिगिरि बिश्वजित दैमारीआ

उदालगुरि, 7 जानुवारी: उदालगुरि जिल्लानि भारत-भुटान सिमना ओन्सोल डिमाकुसिनि बरडाजुलि साहा बागानाव आदिबासिफोरनि 20थि गेदेत आदिबासि महासभा खुंनो लाहार-फाहार जादों। फैगौ 6, 7, 8 आरौ 9 फेब्रुवारीआव सानसेलनि हाबाफारिजों 20थि आदिबासि महासभाआ खुंजागोन। समबरखालि बरडाजुलि साहा बागाननि गेलेमु फोथायव धोरैमारि खाथिजों गोथारै आदिबासि महासभानि गहाइ खुन्थियाखौ पानेरि बिधानसभा बियाबनि एमएलए आरौ आसाम आयेन आफादनि बुंथिगिरि बिश्वजित दैमारीआ गायसनो। गहाइ



खुन्थिया गायसन्नानै आयेन आफादनि बुंथिगिरि बिश्वजित दैमारीआ बुंदोंदि, गेदेत हाबाफारिजों खुंजानो गोनां 20थि आदिबासि महासभाखौ गेदेत डिमाकुसि ओन्सोलनि बरडाजुलि साहा बागानाव खुंजागोनखौ गोजोननाय फोरमायदों। मानोना

राइज्योनि मोनफोमबो हारि-हारिसायानो मोनसे आलादा आरुथया, थुनलाइ, हारिसु दं आरौ हारिनि साथआव बयबो फोथानां लाखिनयनि बिबान दड। बे महासभा हाबाफारिनि गेजेरजों राइज्योनि गुबुन गुबुन ओन्सोलनि गोदान जोलैनि गेजेरजों मोनसे मोजां खोरं फोसावनो हागोन आदिबासिफोरा। बे हाबाफारियावनो दुलाराय आसाम आदिबासि फरायसा आफादनि मिरु आफादनि आफादगिरि प्रदिप नाथआबो बाहागो लाफैनां बिबुंथि लाखिदों। आथिखालाव उदालगुरि जिल्लानि डिमाकुसिनि (□ 6 बिलाइआव)

साबारिनि निमुवायाव बेंगुरा सुबुंफोरनि गेजेराव देहा आन्जाद बादा खुदों

सालबारि/भबानिपुर, 7 जानुवारी: बाक्सा जिल्लानि सालबारि महकुमानि सिखाव थानाय निमुवानि बापुजि गोजौ फरायसालिनि गेलेग्रा फोथायव दिने बिटिसि सरकारनि समाज अन्साइ बिफाननि बान्जायनायाव बेंगुरा सुबुंफोरनि गेजेराव देहा आन्जाद बादा खुंनाय जायो। बे हाबाफारिनि गेजेरजों 300 निबो बांसिन बेंगुरा सुबुंफोरनि गेजेराव सरकारि फोरसान लाइ होनायनि रहा लानो थाखाय देहा फाहामगिरि, मावफारियाफोय बेंगुरा सुबुंफोरनि देहा आन्जाद खालामो। बे हाबाफारियाव बिटिसिनि समाज अन्साइ बिफाननि मावफुं सोद्रोमा गौतम दासआ गहाइ आलासि महैर बाहागो लानानै बुडेदि, 'बिटिसि



सरकारनि समाज अन्साइ बिफाननि गेजेरजों बिटिआरआव थानाय बेंगुरा सुबुंफोरनि गेजेराव मोनसे अन्जिमा दिहनाय जादों। बे अन्जिमनिफ्राय बिटिआरआव गासै 26 रोजा बेंगुरा सुबुंफोर थानाया रोखा जादों। बेनि गेजेराव गासै 7 रोजा बेंगुरा सुबुंफोरनि गेजेराव सरकारि (□ 6 बिलाइआव)

नेपालपारायाव एमपि फान्डजों लुनो गोनां राइजोआनि सावराय न'ब्लानि अन्थाइ खाम्फा बेखेवदों

उदालगुरि, 7 जानुवारी: उदालगुरि जिल्लानि माजबातनि पासनै सेरफं बिटिसि बियाबनि सिखाव मेराबिल भिसिडिसिनि सान्जा नेपालपारा गामियाव एमपि फान्डजों लुनो गोनां राइजोआरि सावराय न'ब्लानि अन्थाइ खाम्फाखौ मैया पासनै सेरफं बियाबनि एमसिएलए दिपक मोरआ बेखेवनानै होयो। बे हाबाफारियाव बाहागो लायो (□ 6 बिलाइआव)

माजबातआव सासे बेंगुरा फरायसुलिखौ आथोनारि खायसो खालामनाय जाथाय

उदालगुरि, 7 जानुवारी: उदालगुरि जिल्लानि माजबातआव सासे बेंगुरा फरायसुलिखौ आथोनारि गालोबनाय जाथया सोमजिदों। राइज्यो नाडेनो गिबि खोलोबनि गुन्सब फोबों सोलिबाय थानाय (□ 6 बिलाइआव)

तामुलपुरनि हाहकातायाव हाग्रानि मैदेरनि उतखार

तामुलपुर, 7 जानुवारी: तामुलपुर जिल्लानि गुबुन गुबुन जायगायाव दिनेसिमबो हाग्रानि मैदेरनि उतखाला सोलिगासिनो दं। भुटान हाजोनिफ्राय आदार नागिरिनां ओंखारबोनाय हाग्रानि मैदेर फालोया भारत-भुटान सिमना ओन्सोलनि गामिफोरजों लोगोसे पाग्लादिया दैसानि मोननैबो रुगुनि गामिफोरवबो उतखार खालामगासिनो दं। बे बायदिदियै मैया हराय हाग्रानि मैदेर फालोया पाग्लादियै दैसा सेरनि हाहकाता-बालाबारि गामियाव हाबनानै गंनै नख'रनि न'-बांजों लोगोसे नख'रा बाहायग्रा ओंखाम संग्रा न'नि मुवा-



बेसादफोरखौबो सिलिं खार खालामलाडो। साननि समाव पाग्लादिया दैसानि हाग्रयायव जिरयनानै खोमसि जाब्बो दैसा सेरनि गामिफोरव हाबनानै हाग्रानि मैदेर फालोया राइजो-रजाफोरखौ उन्दुनाय गैयै लासेनो हर बारहोनो गोनां खालामदों। बावैसो

पाग्लादिया दैसाखौ बारनानै नलबारि जिल्लायाव हाबनानै हाग्रानि मैदेर फालोया उतखार खालामदोंमोन। दासान्दि हाग्रा बिफाननि मन्थिनि बिथोनाव हाग्रा बिफानखौ सांग्रां खालामनानै होदों जाहाथे नलबारि जिल्लायाव हाग्रानि मैदेर फालोया हाबनो हाया। मैदेरखौ नायबिजरनो थाखाय नलबारि आरौ तामुलपुर जिल्लानि सिमना जारतालुकायाव हाग्रा बादा गायसन्नायनि बिथोन होनायाव तामुलपुर दखरा हाग्रा मावखुलिनि मावफारियाफोर हर जाब्बानो जारतालुकायाव (□ 6 बिलाइआव)

काजलगावआव जिल्ला थाखोनि फोरोंथाय-सोलोंथाइ मुवानि दिथिफुंथाय आरौ बादायलायनाय हाबाफारि खुदों

बासुगाव, 7 जानुवारी: चिरां जिल्लानि सदर काजलगावआव थानाय चिरां डायेट मावखुलिनि सावराय न'ब्लाडव दिने चिरां जिल्लानि गुदि थाखोनि फोरोंगिरिफोरनि गेजेराव गुदि थाखोनि लिटोरिस आरौ अन्जिमा फोरोंनाय बेसादफोरनि जिल्ला थाखोनि दिन्थिफुंथाय आरौ बादायलायनाय हाबाफारि खुंनाय जायो। गुदि थाखोनि सोलोंथाइ होनायाव सोरजिल्ल, रंजानाय गोनां आरौ फिथाइ गोनां खालामनायनि थांखिजों आरौ फोरोंगिरिफोरनि गेजेरजों फोरोंताइ-सोलोंथाइ बेसादनि फासैं सांग्रांथि लाबोनायनि थांखिजों समग्र शिक्षा चिरांनि बान्जायनायाव खुंनाय बे



बादायलायनाय हाबाफारियाव गासै गं 12 फरायसालिफरा बाहागो जिल्लानि सिदली आरौ बर'बाजार लायो। मख'नो गोनांदि, जिल्लानि सोलोंथाइ खोन्देनि सायख'जानाय (□ 6 बिलाइआव)

सालबारिनि पालसिगुरिआव आदिबासिनि दुलाराय भारतआरि चानां धर्मनि आफादगिरिखौ मान बाउदों

सालबारि/भबानिपुर, 7 जानुवारी: सालबारि महकुमानि सिखाव थानाय आदिबासि हारिनि गामि पालसिगुरियाव समबरखालि बेसालियाव गिबि खेबनि थाखाय आदिबासि हारिनि 'चानां धर्म' नि गुरु आरौ दुलाराय भारतआरि चानां धर्मनि आफादगिरि झारखान्डीन बान्थान टिगगाआ नुजाथिफेदों। मख'नो गोनांदि, पालसिगुरि (□ 6 बिलाइआव)

सुजुगिरिनि खोलोम

हाबा मावनायाव लाजिनांगौ गैया, श्रगायनाय- खावनायासो लाजिनांथाव

थानानै थानायनि दावहायाव गोबाङनो गोबां राहा आरो लामाजो खारनांगौ जायो। खायफाया गोथोडे, खायफाया दिंघ्राय-दिंसि लामाजो। सोरनियाबा दलर-दलर, सोरनियाबा देहानि थैखो दै खालामनानै, खायफाया खुगाजो, खायफानिया आथि-आखाय सोमावनानै। नाथाय, थांखिया मोनसेयानो-बोथिसे ओंखाम, जि-जोम आरो थानायनि थाखाय न'-बां सोर्जिनानै जोगोर सम्फति बुधुमनाय। मुलुगनि सोरगिदिं मेगन फिदिडेब्लानो नुनो मोनो- थानानै थानायनि बे दावहाथिलियाव- सोरबाया मालायनि आफाखि-दाखोर-दाला सिबस्त्रानानै, खालाइ-दैफोन गारनानै, खि-हासुदै गारनानै, सोरबाया सानुं-अखाखौ नेवसिनानै थैखौ गोलोम दै गसर होनानै मावनानै जायो, नख 'र सामलायो। बेफोरजो लोगोसे दंवावयो- बबेबा हाथाय-बाजारनि लामा दथखायाव सानुं थिखा-थिखि दुमब्रु दामै दामै मोखा मोसाहोनाय, नेवलाइ-मुफुर-जिबो मोसाहोनाय, आखाइ नायनानै इयुन बराद फोरमायनाय, जुनातनि बेगे-हारा दिन्थिनानै रोदा-बिगुरनि मुलि फान्नाय, गोबाय-गिजि दो-दोखोल, प्लाष्टिक, लहा नागिरनानै-फान्नायनि खामानिखौ मावनायानो नख 'र संसार सामलायनायनि थांखि।

मोनसे बाथाया रोखादि- बे बुहुम बिखानि सोलो गोरसिन आरो सोलायसुलिसिन जिबि मानसि हरिनि जिउ खांनारनि आदोब-आखुयानो गोमोनांथावनासिन। जायनि थाखाय गोगो गोबो मेलेमनि सुबुङवो बाइदिसिना आंखाल, अलखदयाव गोरलैनानै गोगो लामा नागिरनायाववो आन्दायनाडे। खायफा मानसिफोरा लामा आन्दायनायखौ बराद होन्नानै बुनो सानो। नाथाय सुबुनि लामा आन्दायनाय, आंखाल आरिफोरखौ थोँजोडे बराद होन्नानै बुनायावो गोरोन्थि होन्नानै रोखा जाबोदो। साफ्रोमबो मानसियानो थानानै थानो थाखायल' थानानै थाया। बयनिबो गोसो गोबोयाव मोनफा नङ मोनफा हाबिलास थायो। जाय हाबिलासआ सासेनिजो गुबुन सासेनिया गोरबलाया। सुबुनाव नाजानाया थाखायो नाथाय गोरबलायै आखल-आखुनि गेजेराववो जिउआव माबा मोनसे मेगनाव गोनां हाबा मावनानै थानानै थानायनि राहा-लामा दिहुनायनि मिजिंथि लायो। थानानै थानायनि लामायाव आन्दायनाय, राहा मोनै जानानाय, देहानि थैखौ गोलोमदै गसर होनानैबो थानानै थानायनि लामाखौ मोनफुनो हायै जायोब्लोबो नाथाय सुबुफोरनि थांखिया मोनसेयानो-थानानै थानायनि लामा मोनफुनाय। सादा-बुसा सुबुनि जिउ खुनाय राहाया गिदित-गोलाव सुबुफोरनि जिउ खुनाय राहाजो रोखोमसे जायाब्लोबो नाथाय उदैनि थाखायनो मावनांगौ जानानै फेयो। थानानै थानो थाखाय मानसि मावै जेबो हाबायानो गैया। मावनायनि थाखायनो सोरबाया गिदित, सोरबाया उन्दै, सोरबाया अन्थाय बिखा, सोरबाया गोसो गुवार जानादो। नाथाय आथि--आखाय, मोदोमै-मोखाडेबयबो मानसियानो समान। मावनाय-दांनय, रौनाय- रोडे, हानाय-हायैआसो समान नङ। बेखायनो खायफाया गावनि गोहोजो हानायमानिखौ मावनानै जाफुंसारनो हायो। नाथाय खांथिनि बादगा जायोब्लोसो हेंथा नुजाफेयो। बेखायनो मावगाय-दांनयाव लाजिनांगौनि बाथा फेया। उन्दै-गिदित, हामनाय-हामैखौल' नोजोर होनांगौ बेव गोरोन्थि नुजाया, गोजोन्नायबो दं, नाथाय थगायनायनै जानो थांनयासो इयुन जिउआव दुखु लाबोयो आरो बेयो लाजिथावनाबो।

दिनैनि फान्जामुथि

राशि बाइदियै मुनि गिबि हांखो
मेघ : अ ल **बुध** : ऊ ब (उ ए इ) **मिथुन** : क छ (ड घ)
कर्कट : ड ह **सिंह** : म ट **कन्या** : प त (ण ष)
तुला : त र **वृश्चिक** : ब न **धनु** : ध भ (ङ फ)
मकर : ख ज **कुम्भ** : ग श (स) **मीन** : द च (ख ज झ)

- मेघ**: जेखियानो मावा फालांगिरिनि थाखाय गाहाम सान। मुलाम्फा आरिजिनानै लानो हागोन।
- बुध**: मोजां मोनलायनायनि दौलेंआ गोर जागोन। अनलायनाया थाबाय थागोन।
- मिथुन**: दिनैनि सानाव खरसा खालामनांगौआ बांगोन। थाखानाय रांआ जोबसानो हागौ।
- कर्कट**: माबाफोर मोजां खामानि मावनानै लानो हागोन। बे राशिन थाखाय गाहाम सान।
- सिंह**: नख 'रनि गोथार हाबा मावनो हागोन। जेखि मावा सान्नाया जाफुंगोन। मोजां सान।
- कन्या**: सोरजोबाफोर दावराव-दावसि जानो हागौ। गोसो हमथानानै सोलिनांगोन।
- तुला**: सेंग्रा-सिख्लानि मोजां मोनलायनायनि थाखाय मोजां सम। गोजो नै सम बारहोनो हागोन।
- वृश्चिक**: सोरजोबाफोर सोमोन्दो गावस्त्रालायनाय दडवो गोरबलायानो हागोन। मोजां सान।
- धनु**: बबेबा गोजान जायगायाव दावबाय हैनो मोनो हागौ। गोसोखौ गोजोन मोनगोन।
- मकर**: नख 'र संसार जानायाव दावराव-दावसि सोमजिनो हागौ। गोसोखौ शान्ति गैयै मोनगोन।
- कुम्भ**: सोरजोबाफोर बायदिसिना होन्नानै लाजि फोनो जानो हागौ। गोसो हमथानानै था।
- मीन**: जेखि खामानियानो मावा मानो मुलाम्फाखौ मोनो हागोन। नख 'रआ जौगानाय फेगोन।

डिमा-हासावनि खैला खादानाव सा 9 लेबारफोरा लामा गोथेना दड

गुवाहाटी, 7 जानुवारी: भारतआरि सान्थिआ आसामनि डिमा-हासाव जिल्लानि उमरंशु ओन्सोलाव खैला-खादानाव लामा गोथेना थानाय लेबारफोरखौ रैखा खालामनो मोनसे रिलिफ टास्क फर्सखौ थिसनो। मंगलबाराव बिबानगिरिफोरा बेनि खोरां होदो। गिबि मन्थि ७ हिमन्त बिश्व शर्माआ लामा गोथेनायाय लेबारफोरखौ रैखा खालामनो थाखाय आर्मीनि मदत हास्थायदोमोन। टाक्स फर्सआव थल्लनो गोरों, सेपासं आरो गुबुन गोनांथार मुवाफोरजो लेंस दड, जायफोरहा गोनांथार जोन्थोरफोरखो दड। भारतआरि सान्थिनि गागि बिबानगिरि आरो खैला खादानाव लामा गोथेना थानाय लेबारफोरखौ थाबेनो रैखा खालामनो थाखाय



जाथायसालियाव सौहैबाय। गिबि मन्थि शर्माआ बुंदो, बै खैला खादानाव लामा गोथेना थानाय लेबारफोरखौ सिनायथिनो हाबाय आरो राइज्यो खुंथायजो लोगोसे पुलिसआ बिसोरखौ रैखा खालामनायनि थाखाय अपारेसनखौ जागायबाय। पुलिसनि बायदिव्ला, खैला खादानाव लामा गोथेना थानाय

कानाडानि गोबां सुबुंफोरा आमेरिकाजो शाफानो हास्थायो: ट्राम्प



गोदान दिल्ली, 7 जानुवारी: कानाडानि गाहाइ मन्थि जास्टिन टुड'आ समबारखालि गावनि बिबान एंगारनायखौ फोसावो। बियो बुडोदि, इसिडारि फारगथिनि ओंथिआ जादो गाव फेगो बिसायख'थिनि थाखाय गुन गोनांसिन आसन जानाय नङ। टुड'नि बिबान एंगारनायनि साव आमेरिकानि गोदान हादरगिरि डनाल्ड ट्राम्पआ फिनजाथाय होदो।

बिथाङ बुंदो, कानाडानि गोबां सुबुंफोर कानाडखौ आमेरिकानि 51 थि राइज्यो जाजानो हास्थायो। आमेरिकाआ आथिखालाव गिदिर फालांगियारि खहाजो लोगोसे साबिसिडिखौ सहायनो हाया, जेराव कानाडाआ गावखौ गोखोडे लाखिनयनि गोनांथि दड। जास्टिन टुड'आ बेखौ मिथिगोमोन आरो गावनि बिबानखौ नागरदो। कानाडाआ

तिब्बतआव बांग्रि मावनायजो माखासे बिल्डिंफोर बायग्रबनायजो सा 32 सुबुंफोरनि जिउ गोमादो

गोदान दिल्ली, 7 जानुवारी: हादरनि माखासे राइज्योफोरजो लोगोसे नेपाल, चीननिफ्राय लानानै तिब्बतसिम मंगलबारखालि फुडव गोखो बांग्रि मावदो। नेपालआव गोखो बांग्रि मावनायखो बिहारआवबो मोन्दांफेदो। बिहारनि माखासे जिल्लाफोरस बेनि गोहोमखो नुनो मोन्नाय जादो। बेरफासं तिब्बतआव बे बांग्रि जो बयनिखुइ बांसिन खहा जानायखो नुनो मोन्दां। बेयाव माखासे बिल्डिंफोर बायग्रबदो, जायजो सा 32 सुबुंफोरनि जिउ गोमायो आरो सा 38 सुबुंफोर जोखोम जादो होन्नानै सुलुडव मिथिहोदो। बिहारनि पाटना,



मुजफपुर, समस्तीपुर, मतिहारी, बेगुसराय, मुंगेर, शिवहर आरो सारणआव बे बांग्रि मावनायखो मोन्दां। नेपालआव बे बांग्रिनि गोखोथिआ 7.1 होन्नानै मिथिहोदो। बांग्रिनि मिरुआ चीननि कन्ट्रलआव थानाय तिब्बतआवमोन। इउनाइटेड

डनाल्ड ट्राम्पनि देरहासारनायखौ मावख'यारि महरै फोसावबाय

वाशिंटन, 7 जानुवारी: आमेरिकानि संसदआ मावख'यारि महरै हादरगिरि बिसायख'थिआव रिपब्लिकान पार्टिनि बिजाथि डनाल्ड ट्राम्पनि देरहासारनायखौ फोसावबाय। थानाय बोसोरनि नभेम्बरआव जानाय बिसायख'थिआव ट्राम्पआ डेमक्रेटिक पार्टिनि बिजाथि आरो लेडइ हादरगिरि कमला हेरिसखौ फेजेन्दोमोन। संसदआ ट्राम्पनि देरहायखौ



लागोनाबो रोखा जायो। थान्दै सभा आरो सिनेटफोरनि बाहागो लानाय खांथियारि जथुमआव दर 50 राइज्योफोर आरो डिस्ट्रिक्ट अफ कलम्बियाआव जानाय बिसायख'थिनि फिथाइखौ रोखा खालामनाय जादो। बे जथुमखौ लेडाइ हादरगिरि कमला हेरिसआ दैदेन्दो। अदेबानि 4 बोसोरनि सिगां नेमखांथिनिफ्राय बेयो आबुडेनो आलादामोन।

अमित शाहआ दिनैनि 'भारतपल' पर्तेलखौ लन्च खालामगोन

गोदान दिल्ली, 7 जानुवारी: मिरुयारि नख 'र आरो क-अपारेटिभ मन्थि अमित शाहआ मंगलबारखालि सिबिआइनि गेजेरजो थियारि खालामनाय 'भारतपल' पर्तेलखौ लन्च खालामगोन। सिबिआइनि गेजेरजो थियारि खालामनाय 'भारतपल' पर्तेलआ गासै राइज्योफोर आरो मिरुयारि एजेन्सिफोरनि गेजेराव गुबुन हादतआव थानाय दायनिगिरिफोरखौ नागिरना लाबोनायनि थाखाय नायबिजिरनायनि रियेल टाइम खौरंखौ शेयार खालामनानै रोखा खालामगोन। अदेबानि गुबुन हादतफोराव थानाय दायनिगिरिफोरखौ नागिरनो थाखाय इन्टरपलजो नटिस फोसावनांगो जायो। भारतआ इन्टरपलनि आफाद महरै सिबिआइआ खामानि मावयो। बेनिखायनो गासै राइज्योफोर, मिरुजो खुंजानाय राइज्योफोर आरो मिरुयारि एजेन्सिफोर खारखोमानानै थानाय दायनिगिरिफोरखौ नागिरनो थाखाय सिबिआइनि मार्फत इन्टरपलसिम सौहैनांगो जायो। मिरु, राइज्यो आरो मिरुजो खुंजानाय राइज्योफोरनि



थाखोयाव बे हाबाफारिखौ इन्टरपल लाइजन् अफिसारनि गेजेरजो बावनाय जायो, गावबा गावनि फर्सथानफोराव थानाय पुलिस एसपिफोर, पुलिस कमिसनारफोर आरो ब्रान्सनि गाहायफोरजो लोब्बा लाखियो। आथिखालाव सिबिआइ, आइएलअ आरो इउनिट अफिसारफोरनि गेजेराव खौरं लाखिलायनाया गाहायै लाइजाम, इमेल आरो फेक्सफोरनि गेजेरजो जायो। नाथाय आथिखालाव 'भारतपल' बेफोर जेनानिफ्राय उदां खालामसिगोन आरो रियेल टाइमाव गासै खौरंफोरखौ शेयार खालामनो हागोन। भारतपल पर्तेलखौ बाहायनायजो हारिमायारि हेफाजाबनि थाखाय गासै आर'ज गावनायफोरनि सायाव नायबिजिरनायखौ रोखा

मेघालयआव एनइएइसइउनि फरायसाफोरा रेजिस्टारखौ होखारना केम्पास लकआव टाला लागायना होयो



शिलं, 7 जानुवारी: शिलंआव थानाय नर्थ-इस्टार्न हिल इडनिभासिडि (एनइएइसइउ) नि फरायसा आफादफोर थानाय समबारखालि मुलुग सोलोसांलानि रेजिस्टार कर्नेल (आजिरा लानाय) अंकार सिंहखौ परिसर नागारनो थाखाय गोनां खालामो आरो खुंथायारि ब्लकनि हाबग्रा गेटयाव टाला लागायना होयो। बे जाथाया बै समाव जायो, जेब्ला नर्थ-इस्टार्न हिल इडनिभासिडि स्टुडेन्टस

जागायफिन्यायनि सोमोन्दै जेबो खौरं होयाखै। सहतुनआ बुंवावोदि, फरायसाफोर सिंहखौ बिनि क्लार्टरआव लोगो हमो। सहतुनआ बुडोदि, जो रेजिस्टारनो खौरं होयोदि, बियो गावनि फाइल आरो फोरमान। मानोना जो बिखौ मुलुग सोलोसांलियाव हाबजानो लुबैयाखैमोन। बेनि उनाव फरायसाफोर सिंहखौ परिसरनि बाइजोआव लाबोयो आरो गेटआव टाला लागायना होयो। फरायसाफोरनि हेंथा होसेयावबो रेजिस्टारनि मुलुग सोलोसांलियाव हाबनायनि बेयो गिबि केस नङमोन। मख 'नो गोनांदि, एनइएइसइउनि भाइस सेन्सेलर प्रफेसार प्रभा शंकर शुक्लाआ गावनि छुट्टीखौ 12 जानुवारीसिम बाययना होयो।

यारलुं जंब दैमायाव मुलुगनि देरसिन बान्दो बानायनाय बिथांखिखौ जोबथा गनायथि होबाय

गोदान दिल्ली, 7 जानुवारी: चीनआ भारत आरो बांलादेशआ जिंगा फोरमायथिनायनि उनावबो तिब्बतआव यारलुं जंब दैमायाव मुलुगनि देरसिन बान्दो बानायनायनि यजनाखौ दोन्थ'याखै। यारलुं जंब दैमाखौ आसामआव बुलुबुथुर मुडै मिथिनाय जायो। चीननि बिबानगिरिफोरनि बादिब्ला, अरुनाचल प्रदेश सिमना साखाथियाव बानायनो थांखि लानाय बे बिथांखिखौ गोथोयै बिगियानयारि नायबिजिरनायनि उनाव गनायथि होयो आरो बेजो आफां बाहागोनि हादरफोर जेबो खहा जानाय नङ। बै ओन्सोलआ बांग्रि मावफलेबाय थाग्रा ओन्सोल जानायनि थाखाय अरुनाचल, आसाम आरो बांलादेशआ बांसिनै गिखादो। बानायनो गोनां बे बान्दोनि थाखाय 137 बिलियन आमेरिकान डलार थि



खालामनाय जादो। भारतआ दै दाहारआव बिथांखि फर्सनायनि गोहोम आरो आफां ओन्सोलफोराव दै बाना जाथावना आसाफोरखौ लानानै जिंगा फोरमायदो। चीननि गुबुन हादरयारि मावख'नि बुंथिगिरि गुअ जियाकुनआ बुंदो, गावसिनि बे बिथांखिनिफ्राय आबहावा, हा-सा बाहागोनि थासारिफोर आरो आफां एबा गाहाइ ओन्सोलफोरनि हादरआव दैनि प्लाटफोरजो लोब्बा गोनां मोन्थायफोर आरो हितफोराव जेबो गांजि गोहोम गोरलैनय

नङ। बान्दोआ खैफोदखौ होबथानाय आरो बोथोर सोलायनायनि बेलायावबो मदद खालामगोन होन्नानैबो बिबानगिरिफोरा दाबि दैखादो। मख 'जाथावदि, आमेरिकानि माहारियारि रैखाथि बोसोनगिरि जेक सुलिभानआ भारतआव दावबायफे नाय समाव चीननिफ्राय बेफोर फोथायनायनि दाबिआ सोराडाव फेदो। सुलिभानआ भारतनि मन्थि एस जयशंकरजो भारत-आमेरिका सोलोखांथियारिफोरनि सायाव सावरयदो।

मणिपुरनि उयक हाजोफोरनिफ्राय सान्थिफोरखौ बोखारनायनि हेंथायै धर्ना

इम्पल, 7 जानेवारी : मणिपुरनि गामियारिफेरा बिबानगिरिफोरनिफ्राय उयक हाजो ओन्सोलनिफ्राय सेन्ट्रेल फर्सखौ बोखारना लाडेनि थाखाय आर'ज गाबदों। बे ओन्सोलाव बावैसो सिगां उदखारि आरो रैखाथि हान्जाफोरनि गेजेराव गावज्जालनाय जादों मोन। सैबल गामिनि साखाथियाव थानाय थमनापकि, सनसाबि आरो थिंगपकपिनि थागिबिफोरा समबार मोनाबिलिनिफ्राय सेन्ट्रेल फर्सखौ बोखारनायनि हेंथायै धर्ना खालामदों। मानोना गामियारिफोरा इम्पल सान्जा जिल्लानि सिमना खाथियाव सैबलआव थिसनाय बिएसएफ आरो सिआरपिएफनि हान्जाखौ बायजोयारि नारसिन्थाइनि जाहोनाव बोखारना



लांसिगोन होन्ना गिखांदों। थानाय 3 जानेवारीखालि कांपकपि जिल्लानि पुलिस कमिसनार मावख'आव गाग्लोबनायनि उनाव गामियारिफोरा धर्ना खालामदों। मख'जाथाव सैबलआव रैखाथि हान्जाया थानाय 31

डिसेम्बरखालि आइजोफोरनि सायाव लावथि सिबनाय जाथाइनि हेंथायै सुबुंफोरा गोखौ धर्ना खालामदों आरो बे समावो पुलिस कमिसनारआ सान्थिफोरखौ बोखाना लानो नेवसिनायनि फिनायाव गोखौ धर्नाखौ खालामदों मोन।

फारसेथि उयक हाजो ओन्सोलनि थागिबिफोरा सेन्ट्रेल फर्सखौ बोखारना लाडेब्ला हाथियार दैया हान्जाफोरा जायगानि थागिबिफोरखौ गाग्लोबगोन होन्ना गिखांदों आरो सान्थिफोरखौ बोखारनायनि हेंथायै धर्ना खालामदों।

पाकिस्तानआ बांलादेसखौ गावसोरनि बैखनाव लानायनि थाखाय खैसार सादों

ढाका, 7 जानेवारी : बांलादेशनि कामानआ आथिखालाव महम्मद युनुसनाय दड। शेख हासिनानि हादत नागारनायनि उननिफ्रायनो पाकिस्ताननि नोजोरा बांलादेशनि सायाव गोलैदों। पाकिस्तानआ बिसेरखौ गावसोरनि खैसाराव फासायगामिनो दड। बेराफारसे युनुसआबो खैसाराव गोलैगामिनो दड। आथिखालाव निखाविरि पाकिस्तानआ बांलादेशखौ गावसोरनि बैखनाव लानो थाखाय आरो खेबेसाव खैसार सादों। बेनि गेजेरजों पाकिस्ताननि गुबुन हादतयारि मन्थि इशाक डारआ मोनफ्रोमबो बिथिडाव गावसोरनि धोनिस्नि बांलादेशखौ जेव्हाबो मदत होनो बुंदों। अदेबानि बियो फैगो फेब्रुवारी गुदानाव बांलादेश दावबाय फैगोन। सुलुनि




बायदिब्ला, बांलादेशनि इन्टारिम सरकारनि गाहाइ महम्मद युनुसखौ इशाक गरआ पाकिस्तानाव फैनयनिबो खावलाय बिलाइ होगोन। आथिखालाव सुबुंफोरनि गेजेराव सौंथि सोमजिदोंदि, इशाक डारआ बांलादेशखौ मदत खालामनो थांगोन ना मदत लानो थांगोन। अदेबानि बांलादेशआ मोनफ्रोम

बिथिडाव पाकिस्ताननिखुइ सिगां। बिसेरनाव पाकिस्ताननिखुइ बांसिन गुबुन हादतआरि रांखाथि दड। बबेखानि आयनि बिथिडावबो बांलादेसआ पाकिस्ताननिखुइ आवगायसिनाव। बेफोर गासैखौबो मिबथिसेयावबो पाकिस्तान सरकारआ बांलादेशजों गावसोरनि सोमोन्डोखौ साबसांहोनो खाबु लादों।

मख'नो गोनांदि, 2012 नि उनाव पाकिस्ताननि गुबुन हादतयारि मन्थिआ बांलादेश दावबाहैगोन। बेनि सिगां 2012 आव पाकिस्ताननि बै समनि गुबुन हादतआरि मन्थि हिना रब्बानीआ बांलादेश दावबायहैदों मोन। बांलादेश आरो भारतनि गोथो सोमोन्डोखौ नोजोर होनाने थानाय 12 बोसोरनिफ्रायनो पाकिस्तानआ बांलादेश दावबायहैयाखै मोन। नाथाय आथिखालाव पाकिस्तान सरकारआ बांलादेशजों भारतनि सोमोन्डोआ गात्रि जाबाय होन्ना सानबाय। बेबादियाव बिसेर बांलादेशजों गावसोरनि सोमोन्डोखौ साबसांहोनो खाबु लादों।

भारतआव चीननि गोदान भाइरास एइसएमपिभिनि गासै मोन 7 केस मोनदों



गोदान दिल्ली, 7 जानेवारी : चीनआव गोत्राव महैर गोसाराय एइसएमपिभिनि केसखौ भारत हादतआवबो मोनाया गिदिर खौं

जानाने फेदों। नागपुराव बेनि केसखौ 3 जानेवारीखालि सान2 मोन्दों। बिसेरनि गेजेराव सासेया 7 बोसोरनि

आरो गुबुन सासेया 14 बोसोरनिमोन, जायनि रिपर्टआ एइसएमपिभिनि पजिटिभ फेदों। बिसेरहा गुजुनाय आरो मोदोम दुंखावनाय जेंना जादों मोन। उनाव टेस्ट खालामनाने बेनि पजिटिभ मोनो। भारतआव गासै सा 7 पजिटिभ मोनबाय। नागपुरनि सिगां कर्नाटक, तामिलनाडु आरो गुजरातआव समबारखालि उन्डैफोरनि देहायाव एइसएमपिभिनि पजिटिभ मोनो। बेनि गेजेराव

मिरु सावस्त्रि मावख'आ गिखांनय आसाफोर आरो सन्देहफोरखौ जानगार होनो नाजानाने हादतआ बे बायदि बेरामजों जुजिनो गोखौ थियारि जाना दड। बावैसो सिगां चीनआव एइसएमपिभिनि गोसारनाया मुलुगनि नोजोर बोनो हादों। कर्नाटक, गुजरात आरो महाराष्ट्रनि सरकारफोरा गिनांगो गैया होन्ना बुंदों। फारसेथि दिल्ली सरकारआ राइज्योनि गासिबो

इजराइलआ तुर्किजों लोकोसे दावहा नांनो थियारि खालामगोन

तेल अबिव, 7 जानेवारी : इजराइलआ थानाय 1 बोसोरनिफ्रायनो हामासजों लोकोसे दावहा नांगामिनो दड। बेनि अनगायै बिसेर हिजबुल्लाह, यमननि हुति बिग्रायारि आरो इराननि हेंथायैबो गाग्लोबखांबाय। आथिखालाव इजराइलआ नाटनि सोद्रोमा तुर्किजों लोकोसे दावहाखौ लानाने थियारि खालामगामिनो दड। नागेल कमिटिआ रैखाथि बाजेट आरो रैखाथि सोलोखाथिजों लोब्बा गोनां रिपर्टयाव इजराइलखौ तुर्किजों लोकोसे थोंजोडै मोगा-मोगि



जानो थाखाय थियारिये थानो थिन्दों। इजराइलनि सरकारआ बे कमिटिखौ दादों मोन। तुर्किनि हादतगिरि रसेप लेयप एर्दाननि मुस्लिमा इजराइलजों लोकोसे जेंनाया बांनो हागौ, जाय

दावहायाव सोलायनो हागौ। यरुशालेम पस्टनि रिपर्टनि बायदिब्ला, सिरियाआव थानाय बिग्रायारिफोरनि हान्जाया तुर्किजों लोकोसे गोरोबलायनो हागौ, जायजों इजराइलनि

रैखाथिनि थाखाय मोनसे गोदान आरो गिदिर अलखद सोमजिनो हागौ। बे हान्जाया ओन्सोलारि दिदोमथि नडे थासाराया बांनाने तुर्किनि प्रकसी महैर खामानि मावनो हागौ। कमिटिनि गनायनाय बायदिब्ला, बेबादियाव सिरियाआ इजराइलनि थाखाय इरानजोंबो गिदिर लखद सोमजिनो। नागेल कमिटिआ समबारखालि इजराइलनि पिपेम बेन्जामिन नेतन्हा, रैखाथि मन्थि इजराइल काटज आरो रांखाथि मन्थि बेजाले ल स्मटिचनो गावनि आर'ज गावनायफोरखौ दिन्थियो।

इम्फलआव मुस्लिम हौवासारवौ जरजुलुमै अमा बेदर जाहोनायनि खुद्रीदों

गुवाहाटी, 7 जानेवारी : मनिपुरआव मोनसे नोजोर लाखिग्रा हान्जा अरामबाइ तेंगलनि सोद्रोमाफोरा सासे मुस्लिम हौवासारवौ धोरोमनि बेरेखायै जरजुलुम खालामनाने अमा बेदर जाहोनायजों ओन्सोलाव खुद्रीखानाय थासारि सोमजिदों। ससेल मिडियाआव फोसावनाय मोनसे जेंना गोनां भिडिआव बि मुस्लिम लाइमोनखौ इनाय-अनागार खालामनाय नुनो मोनाय जादों। बेनि सोमोन्डे अजुमन इस्लाम ए मुसरा, क्वाक्ता जमियत उल्मा, अल क्वाक्ता क-अडिनेटि कमिटि, अल मैतेइ पंगल इयुथ एससिएसन आरो अल क्वाक्ता इयुथ भलुन्टारि अर्गनाइजेसनजों लोकोसे माखासे आफादफोरा 7 जानेवारीसिमआव अरामबाइ तेंगलनिफ्राय खंफोरथि बियो। बेनि

सोमोन्डे एएमएसआ सौंथि दैखांदोंदि, अरामबाइ तेंगलखौ आइन सामलायग्रा एजेन्सि महैर खामानि मावनो थाखाय दादों नामा? बे हान्जाआ बे केसखौ मानो लानाने लाइमोनखौ पुलिसनो गथायनायनि सिगां बिखौ हमनाने बुखो? बे फसंथानआ मनिपुर सरकारनाव बेबादि हाबाफारिफोरनि सायाव होबथानाय जाबसिनो आरो आइनारि खुंथायखौ लाखिलांबाय थानो खावलायो। बे जाथाया थानाय 4 जानेवारीआव जादों मोन जेव्हा 18 बोसोर बैसोनि तमपक मयुम आख्तरखौ अरामबाइ तेंगल हीनगां इडनिटनि सासे



मावसुमाखौ एदावनायनि दायाव लिंहरदों मोन। आख्तरआ दाय जाबसिनोदि, बिसेरनि हान्जाया बिखौ खानाने बुदों आरो अमा बेदर जानो थाखाय नारसिन्दों। बिनि दाबि दैखानाय बादिब्ला, एटि हान्जाया मुस्लिम फोलेरनि सायाव फेग्रा बेसाद फालांगि खालामनायनि गेजेरजों मैतेइ

फोलेरखौ फोजोबसांनो खैसार सादों होन्ना दाय जाबसिनो। बिनि बुनाय बादिब्ला, सासे लोकोजों लोकोसे सावरायनायखौ लोको मावसुमाआ गोरोथि बुजिदों मोन, जायनि जाहोनाव बियो गावनि बिदा-फंबायफोर आरो एटि हान्जानो खौरां होयो।

असम लोकसेवा आयोग
ASSAM PUBLIC SERVICE COMMISSION
Jawaharnagar, Khanapara, Guwahati-781022

No. 38PSC/CON/Exam-2024-2025

NOTIFICATION

The Assam Public Service Commission hereby declares today, the 7th January, 2025, the results of the Screening Test (OMR based) for recruitment to the post of Research Assistant under Finance (Economic Affairs) Department (Adv. No. 09/2024 Dtd. 24/04/2024) conducted by the Commission on 25/08/2024. Candidates bearing the following Roll Numbers will have to appear in the Interview to be conducted by the Commission. The date (s) of Interview will be notified shortly.

Roll Number of candidates to be appeared in the Interview are stated below (horizontally):

10018	10034	10168	10219	10220	10236	10340	10422	10582	10673
10902	10945	10961	11065	11097	11352	11367	11422	11703	11771
11837	11916	12142	12438	12479					

NB: Results may be accessed through the APSC's website www.apsc.nic.in

Sd/-
Principal Controller of Examinations,
Assam Public Service Commission,
Jawaharnagar, Khanapara, Guwahati-22

Janasanyog/D/11486/24/8-Jan-25

No. CHD/UDD/12/15th FC/Tied/ 1st Inst./2023-24/3375(a), Dated Kokrajhar the 30/12/2024

PRESS NOTICE INVITING TENDER

The Council Head of Department, Urban Development Department, BTC, Kokrajhar invites bid for the work "Supply Tractor with Hydraulic Tractor for Carrying Solid waste at Basugaon and Tangla Municipal Board" under 15th FC (Tied Grant) 1st Installment for the year 2023-24 during 2024-25 for amounting Rs.29,43,214.00 (Rupees Twenty nine lakhs forty three thousand two hundred and fourteen) only.

Details may be seen at website <http://assamtenders.gov.in> and also at the office of the undersigned during office hours.

Sd/-CHD
Urban Development Department,
BTC, Kokrajhar

IPR(BTC)/C/2024-25/1260

No. DSKG/Seri-22/NERTPS/2024-25/1 Dated Kokrajhar the 7th January 2025

INVITING SHORT TENDER NOTICE

Fresh Sealed Tender in plain paper validity 180 days affixing court fee stamp of Rs. 8.25 (Rupees Eight & twenty five paise) only to be eventually drawn up in PWD F-2 form tender agreement for the following works are invited from the Registered Contractor to be received from 08-01-2025 by the undersigned upto 10-01-2025 and opening on 11-01-2025 at 3:00 PM in presence of the contractor or their authorized agents. If the date of opening tenders in holidays the tender will be opened in the next working days.

Details terms and conditions, estimate etc. may be seen in the office of the Directorate of Sericulture, B.T.C. Kokrajhar during the office hours.

Sl. No.	Name of Works	Estimated cost (Rs. In Lakhs)	2% E.M.	Time of completion
1	Construction of Dormitory Hall at Eri Spun Silk Mill Silk Park under NERTPS for the year 2023-24.	Rs. 19,99,800.00	Rs. 19,998.00 (1% for SC/ST) Rs. 39,996.00 (2% for General)	3 months

Sd/-Director of Sericulture,
Bodoland Territorial Council, Kokrajhar

IPR(BTC)/C/2024-25/1259

No. BAVPK/SOPD/2024-25/118-121 Dated, Kokrajhar 07/01/2025

TENDER PRESS NOTICE (2024-25)

The Working Plan Officer, Working Plan Division, Kokrajhar invites bids from registered Contractors of Class-I & II (A, B & C) category of Assam PWD (Roads/Buildings) BTC. for the stated below construction work under BTC-SOPD fund for the year 2024-25 under Working Plan Division, Kokrajhar.

Details may be seen at the office notice board during office hours.

Sl. No.	Name of Schemes/Works	A.A./Estimates Amounts (in Rs.)	Completion period	EMD (In Rs.)	Cost of Tender documents (D/D) in Rs.
1	"Repairing and renovation of the office building of the Working Plan officer, Working Plan Division, Kokrajhar"	Rs. 15,00,000/-	2 months	Rs. 15,000 -for SC, ST and Rs.30,000/- for others	Rs 500-

Detail N.I.T. may be seen in all working days during office hours in the office of the undersigned. Tender paper will be issued to the contractor or their authorized agent upto 11.00 hrs to 16.00 hrs on all working days from 09-01-2025 and 10-01-2025 in the office of the undersigned.

Sd/-
Working Plan Officer,
Working Plan Division, Kokrajhar

IPR(BTC)/C/2024-25/1262

आमेरिकानि मारवासे ओन्सोलाव बरफनि बारहुंखाजों गात्रियै गोहोम गोव्लैदों

निउयर्क, 7 जानेवारी : आमेरिकायाव बरफनि बारहुंखा फेनाया सरासन्ता सुबुंफोरनि जिउआव गात्रियै गोहोम खोखैदों। रोजा बरफ गोलैनाय आरो बरफ गोनां अखा हानायजों सुबुंफोरा गावबा-गाव न'आव थानांदों। लामाफोरा बरफ खोबफना थानाय गारि-मटर जात्रबथाइ जानानेबो सुबुंफोरनि जिउ गोमानायनि खौरां मोन्दों। मख'जाथावदि, बरफनि बारहुंखाया आमेरिकानि गोबां राइज्योफोरा गोहोम दिन्थिदों। गेजेर आमेरिकानि केनसासनिफ्राय लानाने सान्जा बोरिमानि निउ जासैसिम 6 कौटिनि बांसिन सुबुंफोरा बे बारहुंखाजों भुगिनांदों। खौरांनि बायदिब्ला, समबार सानजौफुसिम मिसौरिनिफ्राय भार्जिनियासिम 175,000 नि

बांसिन सुबुंफोरा मोब्लिब सिबिथाइ मोनो हायाखै। बरफनि बारहुंखानि थाखाय गं 2,400 नि बांसिन उरांफोरखौ केन्सेल खालामनांदों आरो गोबां उरांफोरखौ समनिफ्राय गोब्राबै उरायदों। फारसेथि ट्रेन सिबिथाइयावो बारहुंखानि जाहोनाव गोहोम गोलैदों, जेराव 50 नि बांसिन ट्रेनफोरखौ नेशनेल रेलरड सेसेन्जार कपरिशना केन्सेल खालामो। हान्था-मेला जात्रबथाइयाव गोलैना सा 4 सुबुंफोरनि जिउ ख'हा जानायनि अनगायै गोबां जोखोमबो जायो। बरफनि बारहुंखानि फैनयनि फोरमानखौ चेपमेन आरो सेन्ट जर्ज, केन्सासनि 18 इन्सि बरफ जमा जानायनिफ्राय हमदांनो हायो। केमरुन,



मिशौगी आरो मेशन, वेस्ट भार्जिनियाआव 10 इन्सिनफ्रायबो रोजासिम बरप गोव्लैयो। बोथोर बिफाननि थानो हागौ।

रेलवे स्केप बेसाद फान्नायनि थाखाय इ-निलाम हाबाफारि

थाखाया फारिलाइजों लोकोसे रईया डिभिजन बेंखनि सिखइ इ-निलामनि गेजेरजों जानेवारी, 2025 दाननि थाखाय स्केप लट फान्नायनि थाखाय इ-निलाम हाबाफारिजों गाहायाव होनाय जाबयः

नं	दान/बोसोर	निलामनि फारिनं	थाखायाय निलाम जायनाय अवट/रसम
1	जानेवारी, 2025	NFRFRY30N2024012A	11-01-2025/10.30

गोबो गुदु थिब्रफोरखौ इ-निलाम रेंजेरसन, फोरियाव आरो वहागो लनो थाखाय आइआरएफिस वेबसाइट www.irps.gov.in नि गेजेरजों थिड खालामनो थाखाय बोसोन होनाय जाबयः

लेडइ गाहाइ मेटेरियेल्स सामन्त्यायगिरि/पांडु।

सा-सान्जा सिमना रेलवे
मिन्सुयै बायगिरिफोरनिफ्राय सिबिथाय

दुगैनाय समाव मानो गोसोखाडे बेस्ट आइडिया ?

सरसनस्यै सुबुआ जेव्हा बबेबा मुवाखौ लानानै सान्ना जागायो एबा बुजिनो नाजायो, अब्ला बेखौ लानानै जायखि जाया समावनो बायदि-बायदि बाथ्राखौ सानबाय थायो। माब्लाबा मोजांखौ सानो आरो माब्लाबा बेयो साबसिन जालाडे। नोजोर होथावदि, बांसिन बेस्ट आइडियाफोरा बै समाव मेलेमाव जाखांफैयो, जेव्हा जॉ दुगैयो। नाथाय दुगैखानाय लोगो-लोगो बेखौ जॉ बावगारलांफिनोबो। एदेबानि दुगैनायाव फैनाय आइडियाफोरा दुगैखानाय लोगो थोफिनो। बेबादि जानायनि आन्दोआव मा जाहोन दड? बांसिन सुबुफोरा बेनि सायाव नोजोर होया जानो हागौ। नाथाय जेव्हा जॉ दुगैयो अब्ला जॉनि मेलेमाव माखासे सानथावै बाथ्रा एबा आइडियाफोरा जाखांफैयो। बेयावनो फारि-फारि मोनसेनि



उनाव मोनसे सान्नायफोरा फैगोन। दुगैनायजॉ मेलेमनि हाबाफारिजॉ माबा सोमोन्दो दड नामा, जाय दुगैनाय समाव एसेबां प्रडाक्टिभ जायो। बेनि आन्दोआव बिगियाननि माबा जाहोन एबा टुरि दड-नामा बेखौ जॉ दिने मिबथिगोन। इउनिभासिदि अफ भार्जीनियाआव कगिनटिभ साइन्स आरो पिलसफीनि एस्सिस्टेन्ट प्रफेसर जेचारी इभिंआ बे आयादायाव नायबिजिरासिनो। डेलि स्टारनि

रिपट बायदिब्ला, बिथाडा फोरमायदोदि, जेव्हा जॉनि मेलेमा बबेबा दिगआव सानाखेब्ला, बेयाव माबा आलादा सान्दांथिया सोमजिखांफैयो। बयनिखुबो गोरलैसिन खामानि जैरे दुगैनाय एबा माबा औरैबायदि रटिन जेराव जॉ मेलेम बाहायनाडा बेखौ मावनाय समाव मेलेमा हरखाब क्रिएटिभ जायो। मानोना बेयो देहा-सोलेरजॉ अडिनेशन एबा खाब जाना हाबा मावनाडाखै। जेसेबां सरसनस्रा

खामानि मावगोन एबा औरैने थागोन, एसेबांनो क्रिएटिभ टिकिं एबा सानबोलावरि सान्नायफोरा फैगोन। दुगैनायाबो बिबिदो सरसनस्रा खामानि, जेराव मेलेमाखौ नारसिन्नाय जाया आरो बेयो गावनि प्रडाक्टिभिटीनि जौसिन थाखोआव सौहैयो। लाइप हेकार वेबसाइटीनि रिपट बायदिब्ला, जेव्हा जॉ व्याम खालामो, मेथाइ खोनासडे एबा लुगैयो अब्ला जॉनि देहा-सोलेराव गोबां बिबांनि डपामाइन रिलिज खालामो। बेबो क्रिएटिभ आइडियाफोर फैनायनि मोनसे जाहोन। बिगियानगिरिफोरनि बुनाय बायदिब्ला, रेजें डिस्ट्रेक्सनआबो सुबुनि मेलेमनि थाखाय मोजां जायो। रिडर्स जायजेस्टनि बायदिब्ला, बेनि जाहोनाव जुदि जॉ बबेबा कपि सपआव खामानि मावो एबा जगिंआव एबा थाबायगलाडे अब्ला मेलेमा बांसिन प्रडाक्टिभ जायो।

रंजालि गथ'फोरनि सौरा

आय! मा दिन सफैखो

हाबा रोंया हुखा रोंया लादों जुलि जुलिन उनाव जादों गोथां ओखाम। आय! मा दिन सफैखो बे मुगायावलाय ?

संनो खवनायावबा नांगौ लोगो। जुलि जानो नांयासै साखि रावबो। हे! गसाइ मुगायासो सोलायखोना सुबुफोरासो सोलायखो ?

महर गोसा जोहोलाव नागेर नागेर दालाय माथो मोनबायदों बेंगुरा जोहोलाव। उह! गोरोन्थिआ मेगननि जाखोना गोसोनि जाखो ?

अखा नायसालाब मोना अनलाइन थानायया फेलें जाफेरा फेसबुक इनष्टा पस्ट होनाय। सोरजॉ सोरजॉ लायेन लायो दोनखार लांबासो फाथथा मोननो विदिसो नामा इंटरनेट मुगाया ?

जुलि जाना फसथायदों सोरखौबा मेजेरनायनि सोरनि बिखुंआ गोलैदों थाइगिर फिथाइ सोरनि बिखुंआ जानादों दल, हिसाब गैया।

जिलाव जिलाव फिसा गाबबायदों, सोरनि फिसा गाबबायदों सानना खोना संबायदों। बुरखायनोथ रोलिया दानाबा खुजाब बायदोंसै हनै दरजा मानि।

बैसोथांहोलां सिं दबहोलां दासो लाजि रोंहांदों दासो साननो जागायदों आय! संसारनो सोलाय थारबाय माथो।

सनिया बसुमतारी
गामि: ककिला बनरगाव, बिस्वनाथ

सुदेम साइख्लुमनिफोराय

सानबोलावरिनि खारथायाव दा आनज्रायलां सुदेम साइख्लुमनिफोराय दा गोमोरलां सोरजि जानाय नै बे बैदासि सानखिनिफ्राय सैखहायि दुखुनि दावदाव होनानै।

सबिराम बर'
राबां, बाक्सा

नोंखौ आं बोरै बावनो हानो

नोंनि मिनिखैरो मिनिनाय नोंनि लाजिस्लु राव होनाय, मै मेलेगिनि गल' नायनाय नोंखौ आं बोरै बावनो हानो.... ? ख..... ? नोंनि रोमेलु मेगननि इसाराजों हायना सारफावनाय बै बारगलांनाय बुब्लिखौ। जेबोला आं नोंजों दानदिसे बिदाय लानो नोंसानाव थोंदोंमोन। नोंनि रैदुब आखायजों जाहो हरनाय बै अन्यायनि गय खान्दिसेखौ आं बोरै बावनो हानो.... ? हाया...हाया...बिनानाव आं थारैनो बावलांनो हाल्ला नोंनि गोथार अन्यायखौ बे आंनि थिप्लिं जिउनि अनसुला गोरबोआव बोजोबा बोजोब थारैनो नोंखौ नेना थागोन आं बै गाथोनाव। नोंखौ आं बोरै बावनो हानो.... ?

मुक्ति सोरां बसुमतारी
जिला- कक्राझार, बि टि सि

दोंसे जंखायनाय खन्थाइ

नैहाय बिनानाव लावगि.. नोंलाय दाव अमा फिसि रोड नोंहा फोजानोबो गैजाया दावला, बेखायनो सिखारनायाबो जायो नोंहा खिथुआव सान्नुं नांब्ला, गुबुनहा फुंनि समा बारलाडे लामा लांगोना न' फोसाबनायजों नोंहा बारलाडे सिन' फावदार फुंन्याइ खानाइ साजाइबाइनाइजों.. मोनबा हामगौलै बिखुनजो रंखिनि।

निरन्जन बसुमतारी
गामि: नतून सनाफुर, गहपुर

जों जाबाय लिरगिरि

जों जाबाय लिरगिरि जों नडबा शुनलाइनि जोनोम जानाय नडमोन

जों जाबाय लिरगिरि जों नडबा सोर रेबगौमोन सोरनिबा जिउ बिथुन

जों जाबाय लिरगिरि जों नडबा माहारि फोथानाय सोर रेबगौमोन

जों जाबाय लिरगिरि जों नडबा सोरनिबा बिसम्बि सोर रेबगौमोन

-रैदोम बर', बाक्सा

बुहुम मिथिंगा

बुहुम मिथिंगानि बायदि मैया बिफां-लाइफांफोरादि बारजों बेसेबांनो मोजां मोजां रंजायो बेसे समायना बेसे रमायना बे बुहुम मिथिंगायालाय सारि गिरि बिफां-लाइफां फारि फारि न'-बां राइजो जाबायदों आइ-आफा आबै-आबौ मोनहा मिनि रंजा बाजा बुहुम मिथिंगानि सायाव बेसे समायना, बेसे रमायना, बेसे गोजोनथाव, बुहुम मिथिंगानि महारालाइ आय बे संसारालाइ।

राना प्रताब सिंह ब्रह्म
गामि: बंसिगाव(दतमा)
जिल्ला: कक्राझार।

"दानि मुगाया जिबौनि मुगा"

समायना मुलुगाव गोसारलानाय बिस बारजों बुखारजा बुखारजा सोमखोर बिलाइनि गेरेमसा दंफांआव सार 'नथाइ गावनानै सिलिंखार खालामसै।।


एनजरनि बिमानाव सोंननै नाय गावनि फिसाफोरखौ जोनोम होनानै माबायदि बेनानै लाखियो लांसुनियाफ्रा बिखौबो मन 'नो होसोबावो।।

बर 'नि राजखान्थिआ सोलेंबाय गेरेमसा सोमखोर थाइजौ फुलिनि रोदायाव तेजाव लुफनानै होनो हारियाव अर नांबाय बिदुनि बांनयाजों।।

अर अर अर जेरावबो जेरैबो अर सुबुनि खर 'आव अर अर 'नबारिआव अर न'नि सिथलायाव अर।।

किरन बर'
गोदान दिल्ली

गुबुन हादतनि सहराव थाहैनो गोसो गुदुंफोरनि थाखाय स'नाथि खाबु



गावनि हादतनिफ्राय गुबुन हादतआव थाहैनो गोबां सुबुफोरनो मिजिथियो। थाहैनो सिमां नुनाय हादतफोरनि गेजेराव सोरबाया आमेरिका, इटालि, स्पेन, आइलेन्ड बायदिफोराव थाहैनो हास्थायो। फार्सेथिं सोरबाया आफ्रिका आरो सुइजारलेन्ड बायदि बरफजों समयनाय गुसु हादतफोराव थाहैनायनि हाबिला दं। बिसोरनि थाखाय मोनसे मोजां खाबु दं। बिथामोना बाडाइ खरसाजों गुबुन



हादतआव न' बानायना थाहैनो हागोन।

(1) गुबुन हादतआव न' बानायना थाहैनो एबा बैयाव थानानै संसार जानो सिमां सुजुगफोरनि थाखाय ग्रिसनि एन्टिकायथेर आइलेन्डआ मोनसे मोजां अप्पन। बैयाव 40 रोजा रंआवनो न' लुनो हा बायनानै लांनो हागोन।

(2) नोंथाड आमेरिकायाव नख 'रखो बोस्लायलांनानायनि



सिमां दडब्ला बेनि अकलाहमा राइज्योनि तुलसा सहरआव मख 'जाथाव। बैयाव थाहैयोब्ला नोंथाड ग्रान्ट महरै 7.4 लाख रं मोनगोन। लोगोसेनो फ्रि डेस्क स्पेस आरो नेटवाकि इभेन्टफोरावबो

गंसे न'नि खथायाव मोन 6 इंराजी सोदोब दं, सिनायनो हादोंना ?

गोबां खेब औरैबायदि जायो, बबेबा मुवाया जॉनि नोजोरनि साखाथियावनो थायोब्लाबो बेखौ जॉ नुसना। सोरबा सासे गुबुनआ फैयोब्ला बेखौ थाबैनो नुयो। बिबदिनो जॉ गले-गले नायोब्लाबो जॉनि गोरोन्थि लिरनायखौ नुसना। जॉ नंगौखौनो फरयो, मानोना जॉनि मेलेमाव मोनसे नंगुबै सावगारि सैबखाना थायो। नाथाय बेनि लिरनायासो गोरोन्थि जायो। ससियेल मिडियाआव बिबदिनो गोबां सावगारि नुनो मोनो, जायखौ बुजिनाया जोबोद गोब्राब। आथिखालाव मोनसे सावगारिया भाइरेल जादों, जेराव



माखासे इंराजी सोदोब दड। बेफोरो सरसनस्रा सोदोब, नाथाय बेखौ माखासे सुबुफोर गोबाव सम नाजानानैबो सोदोबफोरखौ सिनायनो हायाखै। बेफोरखायदि जेंना गोनां सावगारिफोर सुबुनि मेलेमआ बेसेबां सांरां बेफोरखौ आन्जाद नायो। बाडाइ समनि गेजेरावनो सावगारियाव थाखोमानाय सोदोबफोरखौ सिनायनो हायोब्ला नोंथानि मेलेमा सांरां। बेबायदि सावगारिया सुबुफोरनि मेगन आरो मेलेमनि थाखाय मोनसे मोजां एक्ससाइस। बे सावगारिआव इंराजीनि मोन 6 सोदोबखौ नागिरना दिहुनांगौ। सावगारियाव गंसे उन्दुग्रा खथाखौ

नुनो मोनगोन, बैयावनो दं मोन 6 सोदोबफोरा। नाजानायनि उनावबो इंराजी सोदोबफोरखौ नुयाखैब्ला बेफोर सोदोबा जादों Words, Page, Book, Novel, Story आरो Read। सावगारिनि बे थाग्रा खथायाव साब्रै उन्दैफोरखौबो नुनो मोनगोन। बिसोरो बिजाब बेखेवना फरायनायाव मुखुव जानाय नुनो मोनो। बिसोर साब्रै उन्दैफोरनि अनगाथै मासे मावजि आरो मासे सैमाबो दं खथायाव। खथानि मोनसे खनायाव फांसे फिसा बिफांबो दं। बेफोरनि गेजेरावनो बेफोर सोंथिनि फिन्नायखौ मोनगोन।

सौदि आर'बनि बाला हामा मक्का आरो मदीनायाव अखाजो गाजि थासारि

रियाद, 7 जानेवारी : सौदि आरबनि बाथा बुडेव्ला जॉनि गोसोआव मक्का, मदीना आरो बाला हामानि सावगारिया फैयो। नाथाय आथिखालाव बेयावनि थासारिखौ सोलायनाय नुनो मोनगासिनो दं। सुलुनि बायदिव्ला, सौदि आर'बाव गोबां अखा हायो, जायखौ लानानै हाइ एलार्ट फोसावयो। मक्का आरो मदीनानि बांसिन बाहागोफोरव जर'खा जेहा सहर आरो गभर्नरेटनि गुबुन ओन्सोलफोरव समबारखालि सार-अन्थाइ आरो बारहुंखाजो लोगोसे गोबां अखा हायो। सौदि गजटनि रिपर्टनि बायदिव्ला अखानि जाहोनाव



मक्का, जेहा आरो मदीनानि सहरफोरनि लामाफोर आरो चकफोरव दै लोमसावयो, जायजो हाइवे आरो लामाफोरनि

हान्था-मेलायाव गोहोम गोग्लेयो। सौदि आर'बनि दै आरो आबाद बिफाननि रिपर्टनि बायदिव्ला, हादतनि माखासे

गुबुन ओन्सोलफोरव गेजेर थाखोनिफ्राय गोबां अखा हायो। मदीनानि बन्द गभर्नरेटनि अल-शफियाआव बयनिखुइ बांसिन

49.2 मि:मि: अखाखौ दिखानो मोन्दो। बेर फारसे, जेहा सहरनि अल बसातन जिल्लयाव 38 मि:मि: अखा हायो, जाय नैथि बयनिखुइ बांसिन। बिफानजो लोब्बा गोनां एजेन्सिआ बुडोदि, मदीनानि माखासे बाहागोफोरव बयनिखुइ बांसिन अखाखौ दिखानो मोन्नाय जायो। रिपर्टनि बायदिव्ला, मक्का मदीना कसिम, तबुक, सा-सिमना ओन्सोल आरो अल-जौफ ओन्सोलफोरव लाश्रियै अखा हागासिनो दं। एनसिएमआ जेहा सहराव दासिमबो रेड एलार्ट दंमोन होन्ना फोरमायो। दासिमबो माखासे ओन्सोलफोरव अखा हागासिनो दं। बेनि अलखदखौ नोजोर होनानै सुबुंफोरनो बिबानगिरिफोरनि फारसेनिफ्राय होनाय बिथोन आरो सांघाथिखौ फालिनो बोसोन होयो। मिरुआ बोथोरजो सोमोन्दो गोनां खौरांफोरखौबो नोजोर होनो बोसोन होदो।

पेरिस, 7 जानेवारी : फ्रान्सआव गोदान एमपक्स भेरिएन्टनि गिबि केस नुजाथिदो। बेनि खौरांखौ खौरां एजेन्सि एएफपिआ थांनाय समबारखालि हादतनि सावस्त्रि बिफाननि मोनसे गथायनाय बिबुंथिजो होयो। एएफपिआ फोरमायनाय बायदिव्ला, बेरामिआ गेजेर आफ्रिका दावबायखैमोन, जेराव भाइरासनि गोदान महारा सोमजिदोमोन। नाथाय बियो बै ओन्सोलनिफ्राय फैनाय सानै सुबुंफोरनि सोमोन्दोआव फैदोमोन। एएफपिनि बायदिव्ला सावस्त्रि बिबानगिरिफोरा बे इन्फेक्सननि फुंखाखौ नायबिजिरगासिनो दड आरो गासै सोमोन्दो लाखिनायफोरखौ मिथिनो मोन्नायनि खामानि मावगासिनो दड। फ्रान्सनि ओन्सोलारि लाइ अशेन्ट फ्रान्सनि रिपर्टनि बायदिव्ला बेमारिनो सासे आइजो आरो बिखौ ब्रिटेननि सा-सोनाब ओन्सोलाव रेनेसनि गंसे देहा



फाहामसालियाव फाहामथाइ होदोमोन। एमपक्सनि गोदान महर जायखौ कलेड 1 बि भेरिएन्टनुनाय जायो बेयो थांनाय आगस्ट दानआव हुनि गेजेरजो फोसावनाय मुलुगयारि सावस्त्रि एमार्जेन्सिजो लोब्बा दं। जार्मानीआ अक्टबर दानआव गावनि गिबि केस दिखडो आरो ब्रिटेनावबो गिबि के सखौ दिखानो मोन्दो। मख'नो गोनांदि, मांकिपक्सआ स्मल पक्स बायदि मोनसे गोसारुआ बेमार। बेनि मुझ मांकीपक्स जानोहागौ नाथाय बेहा मांकीजो जेबो सोमोन्दो गैया। बेयो स्मल पक्स नख'रजो लोब्बा गोनां जेना। रिपर्टनि बायदिव्ला, मांकी पक्स भाइरासखौ गिबि खेब 1958 माइथायाव सिनायथिनो हादोमोन, जेव्ला रिसार्चनि थाखाय लाखिनाय मांकिफोरनाव चेचक बायदि बेमारनि लोखोन मोन्दोमोन। बे बेमारनि गिबि केसखौ 1970 आव मोन्दोमोन, बेनि उनाव 2022 माइथायाव एम पक्सआ मुलुग नाडै गोसारो। बेनि लोखोनआ 2-4 सप्ताहसिम शानो हागौ। बेयाव लोमजानाय, खर'सानाय, मोदोम सानाय, मेनाय आरो बुखानाय बायदि लोखोनफोरखौ नुनो मोनो।

कुर्स्क अपारेशन जागायनायनि उनाव रसियाआ सा 38000 जवानफोर ख'हा जानांबाय: जेलेनस्कि

विवभ, 7 जानेवारी : रसिया आरो इउक्रेननि गेजेराव दावहाया 1,000 सान बारलांबाय आरो आथिखालावबो सोलिगासिनो दं। बे समाव इउक्रे नआ रसियानि कुर्स्क आव गाग्लोबगासिनो दं। बे गाग्लोबनायनि सायाव इउक्रेननि हादतगिरिया फिनजाथाइ होदो। बिथाडा बुंदो। कुर्स्क ओन्सोलाव रसियाआ 38000 सान्थिफोरखौ खोमानांबाय। बिथाड बै ओन्सोलाव बफार जन आरो रसिया सान्थिनि सम्पतिफोरखौ ख'हा खालामनायाव नोजोर होनायनि



बाथावो बुडो। सशेल मिडियाआव हादतगिरि जेलेनस्किआ बुंभावदो, कुर्स्क ओन्सोलाव गावसिन अपारेशन खालामनाया 5 दान आबुं जाबाय। रसियाआ बैयाव गावनि गोखौसिन सान्थिफोरखौ

थिसन्दोमोन, जेराव सा करियानि सान्थिफोरबो दंफायोमोन। बिथाड गावनि सान्थिफोरखौ बाखायदो आरो साबायखरबो होदो। मानोना बिसरो हादतखौ रेखाथि आरो गोहो होदो होन्नाबो

बुडो। मख'जाथावदि, थांनाय रबिबाराव इउक्रेनआ रसियानि कुर्स्क आव गोखोडै गाग्लोबनिदो आरो बेनि गेजेरजो रसियानो सांघाथिबो होदोदि, जैरे बियो मावदो बेखौ मोनफिदो। इउक्रेननि सेन्टर फर काउन्टरि डिएसइनफर्मेशननि गाहाइ इन्डि कभलेकआ बुंदो बै ओन्सोलाव हाबहैनायनि सान्तेसो उनावनो इउक्रे न सान्थिअरया कुर्स्कनि गुबुन गुबुन ओन्सोलाव गाग्लोबदो। इउक्रेन सान्थिया गिबि खेब थांनाय बोसोरनि आगस्ट दानाव कुर्स्कआव हाबहैदोमोन। बे समाव बिसरो गुवार बाहागोखौ दखल खालामनोबो हादोमोन। बेनिफ्राय रसियाआ इउक्रेन सान्थिखौ होखांहरनो सा करिया सान्थिनि मदत लादो।

आडानी गुपआ थाइलेन्डनि इन्डरामाजो गोरोबथा खालामबाय


गोदान दिल्ली, 7 जानेवारी : आडानी गुपआ पेट्रेकमिकेल सेक्टराव आगान होनो थांगासिनो। मुंदांखा आरो जाफुंसार गौतम आडानीनि दैदेन्नाय गुपआ थाइलेन्डनि इन्डरामा रिसर्सेसजो मोनसे रदाय खादो। आडानी एन्टरप्राइजेजनि साब्सिडारि कम्पनी आडानी पेट्रेके मिके स सिमिटेडआ इन्डरामा रिसर्सेस लिमिटेडजो मोनसे जडन भेन्वार जागायजो, जायनि मुझ भेलर पेट्रेकमिकेल



लिमिटेड। बे जइन्ट भेन्सारआव आडानी पेट्रेकमिकेलस आरो इन्डरामानि 50-50 जौखोन्दो शेयार थागोन। आडानी गुपआ

लिमिटेडजो भेलर पेट्रेकमिकेलस लिमिटेड मुडै जइन्ट भेन्वार कम्पनी फसनायनि हाबाफारिखौ आबुं खालामबाय। आडानी गुपनि गिबि बिथांखिया 2 मिलियन टन पिभिंसि केपासिटीनि जागोन जायखौ खोलोब बायदियै बानायनाय जागोन। गिबि खोलोबाव 2026 सिमाव। मिलियन टननि पिभिंसि प्लान्टखौ जौगाखां होनाय जागोन। बेनि उनाव नैथि खोलोबाव 2027 नि जागायजेन्नायावबो 1 मिलियन टनजो नो जागायगोन। आडानी गुपनि गाहाइ कम्पनी आडानी इन्टरप्राइजेज लिमिटेडनि साब्सिडारि आडानी पेट्रेके मिके लस लिमिटेडआ थाइलेन्डनि इन्डरामा रिसर्सेज दंफायो।

दासिमाव हादतयाव एडस एम पि भिनि सा 6 केस नुजाथिदो



गोदान दिल्ली, 7 जानेवारी: चीननिफ्राय फैनाय एडसएमपिभि भाइरासआ भारतनि जिंगाखौ बांहोदो। ह्युमेन मेटान्युमभाइरासआ थांनाय समबारखालि भारतआवबो आगान होदो। लासै-लासै सानसेयाव सा 6 केस नुजाथियो। गिबि फुडव सानै केसआ कर्नाटकनि बेंगालुरुनिफ्राय नुजाथिदोमोन

आरो बेनि उनाव गुजरातयाव बेनि सन्देह खालामथाव केस मोनो। बेरफारसे, सानै केसआ तामिलनाडुनिफ्राय नुजाथियो। भारतयाव बे भाइरासजो इन्फेक्सन जाग्राफोरा गासैबो गथ'फोर, जायफोरनि गेजेराव सासेया गाहाम जानानै न'आवबो थांफिनबाय। आइसिएमआरआ चीनआव गोखैयै गोसारनाय एडसएमपिभिनि 6थि केसखौ

भारतयाव मोन्नायनि खोरं होदो। बे भाइरासखौ गिनांगो गैया होन्ना आइसिएमआर आरो मिरुआरि सावस्त्रि बिफानआ रेखा खालामना होदो। गाहाइ बिथोनगिरि डाक्टर अतुल गयेलआ एडसएमपिभि भाइरासआ गोदान नड आरो बेयो मुलुगनि गासै हादतफोरव गोबाव समनिफ्रायनो एक्टिभे दड होन्ना बुंदो। जरखायै बेनि इन्फेक्सनआ गोजां बेथेराव बाडो। नाताय भारतआव बेनि इन्फेक्सन बांनायनि जेबो खौरं मोनाखै। सावस्त्रि बिफाननि सासे गागि बिबानगिरिआ बुंडोदि, गोजां बोथोराव न्युमनिया भाइरासनि इन्फेक्सनआ बाडो आरो बांसिनै बैसोगोरा आरो 5 बोसोरनिखुइ खम बैसोनि गथ'फोरनाव गोहोम खोखैयो। बेनि अनगायैबो बेयो गासै बैसोनि सुबुंफोरखौ गोहोम खोखैयो हागौ।

आमेरिकायाव बार्ड फ्लुनि जाहोनाव सासे सुबुंनि जिउ ख'हा

गोदान दिल्ली, 7 जानेवारी : आमेरिकायाव बार्ड फ्लु भाइरासनि मोनसे गिखंथाव खौरांआ सोरांआव फैदो। समबारखालि लुइसियानानि थागिबि सासे सुबुंआ बार्ड फ्लु जानायनि जाहोनाव जिउ गोमायो। बेरामि सुबुंनि बैसोआ 65 बोसोर बैसोमोन। बिथांआ गुबुन बेरमजोबो भुगिना दंमोन। बिथांखौ हां लानायाव जेना जानायनि जाहोनाव देहा फाहामसालियाव थिसन्नाय जादोमोन। थांनाय दाननि मोनसे रिपर्टआ सोरांआव फैदोमोनदि, बे बेरमजो गोबां अन्जिमनि सुबुंफोरा जिउ गोमानो हागौ आरो बेयो करना महामारिनि 100 गुन गिथावनासिन जानो हागौ। बार्ड फ्लुनि एडस 5 एन




1 स्ट्रेनआव जानाय मोनसे ब्रिफिनि गेजेरजो एक्सपर्टफोरा मोनसे गोदान महामारिखौ लानानै जिंगा सिनाय फोरमायदोमोन। एडस 5 एन 1 आ एवियन इनफ्लुएन्जा एनि मोनसे साव भेरिएन्ट, जाय लोब्बा गोनां भाइरासनि मोनसे हान्जा। बेजो बांसिन इनफेक्सन जानायखौ मिबथिनो मोनो,

मानोना बेयो पल्टु दानआ गोब्राव बेरम जानायनि जाहोनाव जायो। बेल्'नड बे स्ट्रेनआ सुबुं माहारि आरो माखासे गुबुन हारियावबो बेरम जानायनि जाहोन जानो हागौ। गिबि गिखंथाव हिउमेन केस थिसन्नाय जादो। बे जाथाया सोरांआव फैनायनि उनाव बेरमआ बै भाइरासजो जेना बांनायखौ इंगित होयो।

मुस्लिम हादत इन्डनेशियाआ ब्रिक्सआव एन्ट्री मोनबाय

गोदान दिल्ली, 7 जानेवारी: थांनाय 2009 आव जागायनाय ब्रिक्सनि बाहागोया लाश्रियै बांगासिनो दड। आथिखालाव बेयाव मलुगनि बयनिखुइ देरसिन मुस्लिम हादत इन्डनेशियाआ एन्ट्री मोनो। थांनाय समबारखालि ब्राजिलआ बे खौरांखौ फोसावो। नाथाय एन्डनेशियानि हाबनायजो आथिखालाव पकिस्ताननि गोसो बायनाया बांदो। मानोना पाकिस्तानआ गावनो गोलाव समनिफ्रायनो ब्रिक्सआव हाबफानो थाखाय नाजाबोबाय थादो। बेनि थाखाय बिसोर गोबां खेब चीननि दरखडावबो



गसं हैखां बाय। ब्रिक्सयाव बाहागो लाग्रा ब्राजिला 11थि हादत जाबाय। बेनि सिगां इरान, मिश्र, इथियपिया आरो जुथाय

आरब आमिरातखौ ब्रिक्सनि सोद्रोमा बानायदोमोन। इन्डनेशियानि ब्रिक्सयाव हाबफानाय थांखिखौ थांनाय

2023 आव जहान्सबर्गयाव जानाय जथुम्मानि समाव गनायथि होदोमोन। ब्राजिलनि गुबुन हादतयारि बिफाननि

मोनसे बिबुंथियाव बुडोदि, ब्राजिल सरकारआ ब्रिक्सआव इन्डनेशियानि एन्ट्रीखौ बरयो। खोला सान्जा एसियानि बयनिखुइ देरसिन रांखान्थि बेवस्था आरो थागिफोर गोनां हादत महरै इन्डनेशियाआ गुबुन ब्रिक्स सोद्रोमाफोरजो लोगोसे मुलुगआरि फसंथानफोराव सावसांनयाखौ मदत खालामो। बे बोसोरव ब्रिक्सखौ ब्राजिलआ दैदेनगासिनो दड। बे बोसोरनि फैगौ जुलाइ दानाव ब्रिक्सनि जथुमा जानांगो दड। बेयो समिट ब्राजिलनि रियाडि जेनेरियआव जागोन। बे खेबाव ब्रिक्सनि थिमआ ग्ल'बेल साउथ। बेयाव

सोद्रोमायारि हादतफोरनि गेजेराव फालांगिखौ सुबिधा बायदि खालामनो थाखाय पेमेन्ट गेटवेखौ जौगाखांहोनो थांखि लानाय जादो। थांनाय नभेम्बर दानाव जेव्ला रसियाआव ब्रिक्सनि शिखर जथुमा जादोमोन, बै समाव डलार गैयाजासे लेन-देनखौ बांहोनो आरो लकेल कारेन्सिखौ गोखौ खालामनायनि सायाव सावरायदोमोन। नाचाय आमेरिकाआ बेखौ रागा जौदोमोन आरो डनाल्ड ट्रम्पआ सोसद्रोमायारि हादतफोरनि सायाव 100 जौखोन्दे टेरिफ जाबसिनो हुमखि होदोमोन।

गोदान दिल्ली, 7 जानेवारी: हुआवे नभा 13 आरो नभा 13 प्रखौ अक्टबर 2024 आवनो चीनआव लन्व खालामनाय जादोमोन आरो डिसेम्बराव मुलुगनि माखासे सायख' जानाय बाजारव ओंखारदो। हुआवे नभा 13 आइया नभा 13 सिरिजनि स्मार्टफनफोरजो थाफादेरबाय। मानोना बेखौ मुलुगनाडैनि सायख'नाय बाजारव सोदयै लन्व खालामनाय जादो। बेखौ 108 मेगापिक्सेलनि रियार केमेरा सेन्सार आरो स्नेपड्रगन 680 चिपसेटजो लोगोसे मोनगोन? बे फनआव 5,000 एमएइस बेटारि होदो, जाय 40डब्लिउ वायर्ड फास्ट चार्जिखौ सापर्ट खालामो। नभा 13 आइया हुआवेनि एन्ड्रइड-बेस्ट इएमइउआइ 14.2 आव सोलियो। बेनि बेसेना 8 जिबि + 256 जिबि अप्सननि थाखाय एमएक्सएन 5,999 (25,200 रं) एबा एमवाइआर 1,299 (24,700 रं) आव थि खालामजादो। अदेबानि 128 जिबि भेरिएन्टनि बेसेनखौ सोराडव लाबोनाय जायाखै। हेन्डसेटखौ बे समाव कम्पनीजो लोब्बा गोनां रिजनेल वेवसाइटनि गेजेरजो मेक्सिक आरो म्यान्मारआव बायनो मोनगोन आरो फनखौ ब्लू आरो व्हाइट कालाराव मोनगोन। हुआवे नभायाव 6.7 इन्सि फुल-एइसडि प्लास एलसिडि स्क्रन होदो, जाय 90 हाटस रिफ्रेश रेट, 270 हाटस टास सेम्पलि रेट आरो अलवेज अन डिस्प्ले सापर्टजो लोगोसे बाजारव फैदो।

(1 बिलाइनिफ़्राय)

६४थि बर’ थुनलाइ आफादनि डिमाकुसि जथुम्मानि साखा–फाराया आबुं जाबाय

माहरियारि आफाद बर’ थुनलाइ आफादनि जथुम्माया फैगौ ९ जानुवारीनफ़्राय खुंजागोन । २०२४ माइथार्यनिफ़्राय बायदि रोखोमनि गुबुन गुबुन साखा–फारजौं थुलुंगाखानानै लामा नायनानै दडमोन डिमाकुसियाव बर’ थुनलाइ आफादनि मिरु जथुम्मा खुंनो थाखाय । आधिखालाव दैमु नोगोरव गासै ५०० बिघानिबो बांसिन आबादथिलिखौ लाफानानै ३ कौटि रॉनि बाजेटजौं खुंजानो गोनॉ बर’ थुनलाइ आफादनि थाखाय गेदेत गेदेत माखासे गाहाइ पेन्डेल, हागाइ गेटजौं लोगोसेनो माखासे गेट, गेदेतथार आदार जाग्रा जायगा, थान्दै बादा, दिन्थिफुंसालि, फालांगियारि मेला, बिजाब मेला, आलासिफोरखौ बरयनो थाखाय आलादायै पेन्डेल, हारिमुआरि जौसां बायदिजौं लोगोसे गासैखौबो गोसो बोनो हानाय समाइना महराव बानायनाय जादौं होना बान्जाय आफादआ फोरमायदौं । बर’ थुनलाइ आफादनि जथुमसालियाव जर’खायै मासे खांखाइया बर’ थुनलाइ आफादनि फिर्फकलाखौ बिरहोनाया बयनिबो गोसोखौ बोनो हादौं । मख’नो गोनॉदि, दैमु नोगोरव फैगौ ९ निफ़्राय १२ जानुवारीसिम सानब्रैनि हाबाफारिजौं खुंजानो बर’ थुनलाइ आफादनि ६४थि बोसोरारि जथुम्माखौ लानानै बर’ हारिजौं लोगोसे ओन्सोलनि हारि–हारिसानि बयबो गोसो थुलुंगाखानानै दड। जेराव ९ निफ़्राय १२ जानुवारीसिम बर’ थुनलाइ आफादनि गाहाइ जथुमा खुंजागोन । नाथय ६ जानुवारीनिफ़्रायनो जथुम्मा खुंनाय जायगायाव बायदि रोखोमनि दिन्थिफुंनाय मेला, फालांगि मेला, बिजाब मेला गासैखौबो हाबाफारि बादि्यै मिरु मन्थि पबित्र मार्गेरिताआ गोजा पिटा हसनानै गोथारे बेखेवना होदौं । मख’नो गोनॉदि, ६४थि बर’ थुनलाइ आफादनि जथुम्मानि हाबाफारि बादि्यै फैगौ ९ जानुवारिरिफ़्राय फुंउव गाहाइ गेटखे बान्जाय आफादनि आफादगिरि, पानेरि बिधान सभा बियाबनि एमएलए आरो आसाम आयेन आफादनि बुंथिगिरि बिश्वजित दैमारीआ बेखेवना होगोन ।९:३० रिगायाव ‘खांखाइ’ नि मेचकटखौ साहित्य एकाडेमि बान्था मोनगिरि उ रिता बर’आ बेखेवना होगोन ।९:४५ रिगायाव बर’ रव थुनलाइनि सामलायगिरिफोरनि जौसांखौ साहित्य एकाडेमि बान्था मोनगिरि नबिन मल्ल बर’आ बेखेवना होगोन । १०:०० रिगायाव मुंख्लं देबनाथ बसुमतारि जौसां आरो गाहाइ पेन्डेलखौ कलाइयाव बियाबनि एमएलए दुगां दास बर’आ बेखेवना होगोन, रमेश चन्द्र बर’ गोसोखांथि सैमिनार हलखौ बर’ थुनलाइ आफादनि गुबुन सासे खामेश्वर बर’आ बेखेवना होगोन । मुंख्लं देबनाथ बसुमतारि गोसोखां गाहाइ जौसां आरो पेन्डेलखौ बान्जाय आफादनि मावफुं आफादगिरि आरो बिटिआरनि मावफुं सोद्रोमा दावबायसा बर’, जुवेल दैमारी गोसोखां आसालि थाग्रा बादाखौ बिटिआरनि मावफुं सोद्रोमा उ निलुतु स्वर्गियारीआ बेखेवना होगोन, मनेश्वर कचारी गोसोखांथि आदार जाग्रा जायगाखौ पानेरि बिधान सभा बियाबनि बारग’ एमएलए कमली बसुमतारिआ बेखेवना होगोन, मुंख्लं खाफाल खुन्दा बड’सा गोसोखांथि आदार जाग्रा जायगाखौ बिटिआरनि मावफुं सोद्रोमा दिदान बर’आ बेखेवना होगोन । बर’ थुनलाइ आफादनि फारिलाइ बादि्यैनो १० जानुवारीखालि आफादगिरि उ सुनत नार्जारीनि सामलायनायाव ‘डिस्कासन उइट इन्टारेक्सन’, बे हाबाफारिनि गेजेरावनो गुबुन बिमा रवआरिनि बर’ रव गोरौं सुबुंफोरखौ मान बाउनाय हाबाफारिखौ बेखेवनाय जागोन । हाबाफारिखौ बान्जाय आफादगिरि बिश्वजित दैमारीआ बेखेवना होगोन । सार्जौफुआव बर’ थुनलाइ आफादनि लेाइ आफादगिरि सिताराम बसुमतारिनि सामलायनायाव ‘दैमाकुसि’ मुंनि गोसोखां लाइसिजौं लोगोसे माखासे बिजाबफोरखौ आसाम सरकारनि केबिनेट मन्थि उखांव गोरु ब्रह्माआ बेखेवना होगोन । बेलासिनि १ रिगानिफ़्राय ३ रिगासिम बर’ रव आरो थुनलाइनि आधिखाल समनि हेथथाजानाय आरो गोख्रैथि आयदाफारिनि हाबाफारिखौ बर’ रवनि बिगियानगिरि उ प्रपुल्ल बसुमतारिआ सामलायगोन । बे हाबाफारिखौ गुवाहाटी मुलुगसोलौंसालिनि बर’ बिफाननि गाहाइ बिबुंगिरि सर्नप्रभा सैनारीआ बेखेवना होगोन । हाबाफारियाव फुंखा सुबुं महरै गुबुन गुबुन मुलुगसोलौंसालियाव बर’ रवआव पिएइसडि डिग्री मोनाय आरो पिएइसडि खालामबाय थानाय स्कलारफोरा बाहागो लाफैगोन । फारसेथिं बे समावनो बर’ थुनलाइ आफादनि गुमेश्वर पकताकआ बाहागो लाफैगोन । बर’ थुनलाइ आफादनि बान्थाफोरा जाबाय– रंपसर थुनलाइयारि बान्था, समेस्वरि ब्रह्म थुनलाइयारि बान्था, सोरबां सुबुं बिहुराम बर’ थुनलाइयारि बन्था, सानजारां लक्षेस्वर ब्रह्म हारिमुआरि बान्था, हाब्राघाट बान्था, सुबुंथिनि थान्दै मुंख्लं बिनेश्वर ब्रह्म मावरिया–हावरिया बान्थाफोरा दड। मख’नो गोनॉदि, बर’ थुनलाइ आफादनि जथुम्मायाव ११ जानुवारीखालि गाहाइ आलासि महरै मिरु मन्थि आरो आसामनि बारग’ गिबि मन्थि सर्बानन्द चन्वाला, मिरु मन्थि धमेन्द्र प्रधानजौं लोगोसे माखासे जर’खा सुबुंफोरा बाहागो लाफैगोन । हाबाफारिनि जोबथा सानखालि १२ जानुवारीयाव गाहाइ आलासि महरै आसामनि गिबि मन्थि उ हिमन्त बिश्व शर्माजौं लोगोसे माखासे रइज्योनि राइज्यो बेंगिरि, आसाम सरकारनि केबिनेट मन्थिफोर, बिटिआरनि गाहाइ मावफुं सोद्रोमा प्रमद बर’ बिटिआरनि माखासे मावफुं सोद्रोमाफोर, एमएसएलएजौं लोगोसे माखासे जर’खा थुनलाइगिरिफोर बाहागो लाफैगोन । मख’नो गोनॉदि, गासैबो हाबाफारियावनो बिटिआर ओन्सोल आरो रइज्योनि गासैबो ओन्सोलनि गुबुन गुबन हारि–हारिसानि सुबुंफोरखौ नुजाफैना हेफाजाब होफैनो बान्जाय आफादआ गोसो गोबॉनिफ़्राय हांख्राय हरदौं ।

बड लेण्ड मुलुगसोलौंसालिनि बान्जायनायाव बकाखातनि चन्द्र नाथ बेजबरुवा ...

समाव हारिमायारि खौसेथिनि अनगायै दावगानाया हाथावना नइ। फरायसालिमानि गोरारुं उ सुरजित दत्तआ फरायसालिमानि लॉगोनसिम गासैबो आलासि बिगियानगिरि, गागि सावराय लाइसि दिन्थिफुंगिरिफोरखौ बरगयो । बे हाबाफारियाव काजिरइ माहरियारि हाग्रामानि सामब्ल्यायगिरि उ सनालि घष, अमेरिकानि मिलिपए सिगामानि गागि बिगियानगिरि उ परमानन्द शइकिया, फ्रान्स्नि लरियेल कम्पानौनि रिचासं इन्डिनियार उ काकलि भत्ताचार्य, जरहात सिएसआइआर–निस्तन गाहाइ बिगियानगिरि उ बिनय कुमार सइकिया, डेनमार्क साउडार्न मुलुगसोलौंसालिनि बिगियानगिरि उ ऋतु कर्ताक आरो नुमरिगण्ड रिफाइनारिनि सामब्ल्यायगिरि उ बिद्युत बिकाश घषआ बाहागो लायो । बान्जाय आफादनि नेहाथारि नेबजित शइकियाआ सावराय मेलनि थांखिखौ बेखेवनानै होयो । सावराय मेलखौ बान्जायगिरि उ मधुलिका दत्तआ गागि आलासिफोरनि सिनायथि होनानै बरयनाय हाबाफारिखौ दैदनो । बड’लेण्ड मुलुगसोलौंसालिनि प्रफेसार उ हेमेन शर्मानि आफादगिरि मासि सामब्ल्यायनायाव खुंनाय मोनसे सावराय मेलाव उ परमानन्द शइकिया आरो उ बिनय कुमार शइकियाआ रिचासं लाइखौ फरायथियो । बेनि उनाव फरायसालिमानि मोन ७ जायगायाव मोनसे समावनो मोन ७ सावराय मेल खुंनाय जायो । ७ जानुवारीखालि हादत–गुबुन हादतनि गां ५० रिचासं लाइखौ फरायथिनाय जायो । गुबुन फासैथिं साननैनि हाबाफारियाव सा ३० बिजिर्सगिरिफोर गां ३० निबो बांसिन रिचासं पस्टर दिन्थिफुंउ । काजिरइ माहरियारि हाग्रामाया मोने दिन्थिफुंथायबो खुंनाय जायो । साननैनि सावराय जथुमाव सामब्ल्यायगिरि महरै बाहागो लायो उ जगेन चन्द्र कलित्ता, उ नबन्धति शइकिया, उ देबजित विश्रवास, उ देबभुधन बरा, उ लक्ष्मी शइकिया, प्रफेसार हिल्ललज्यति सिंह, उ हेमेन शर्मा, उ खन्दाकार साहिन आहमेद, प्रफेसार आर्चना, उ रितुपनॉ भत्ताचार्य, उ डलिका ज्यति शर्मा, उ भुपेन कुमार बरुवा, उ बिमन्ज्यति दत्त, उ हेमप्रभा शइकिया, प्रफेसार, ए आर सिद्दिक, उ नरेश बासुपल्लि, उ सत्यरञ्जन शर्मा, उ ब्रनसन कुमार खांजेनवां बायदि गागि बिगियानगिरि आरो सोलौंथाइगिरिफोरा बाहागो लायो । सावराय मेलनि जोबथा हाबाफारिखौ आफादगिरि मासि लानानै दैदनो चन्द्र नाथ बेजबरुवा फरायसालिमानि गोरारुं उ सुरजित दत्तआ । बे हाबाफारियाव प्रफेसार जगेन चन्द्र कलित्ताआ थुंगेनाय बिबुंथि होयो । बे हाबाफारिनि जाकुंफारहोनो थाखाय नुमरिगण्ड रिफाइनारि, अएनजिस्ि आरो काजिरइ माहरियारि हाग्रामा बिबानगिरिफोर गासैबो रोखोमनि मदद–हेफाजाब होयो ।

माजबातआव सासे बेंगुरा फरायसुलिखौ आथोनारि खायसो खालामनाय जाथाय

सर्मनि गेजेरावनो उदालगुरि जिल्लानि माजबातआव बे जाथाय सोमजिदौं । माजबात बिघापिथ गोजौ फरायसालिनि केरानि ममिन्द्र पाठकनि हेंथायै सासे बेंगुरा फरायसुलिखौ आथोनारि गाग्लोबनायनि गोखौ अजद सिखदौं । बे जाथायनि उनावनो भुगिंनानाय फरायसुलिनि नख’रनि सुबुंफोरजौं लोगोसे ओन्सोलनि राइजो–रजाफोर माजबात पुलिस थानायाव नुजाथिहैनै दार्यनिगिरि केरानि सर्मिन्द्र पाठकनि हेंथायै गांसे एजाहार थिसनहैयो । लोगोसे दार्यनिगिरि सर्मिन्द्र पाठकखौ थाबेनो साखिनिफ़्राय बोख्लायनानै गोखौ साजा होनांगनिं दबि दैखदौं नख’र आरो ओन्सोलनि राइजो–रजाफोर । गुबुन फासैथिं, माजबात पुलिसआ भुगिंनानाय नख’रनिफ़्राय लिरथि अजद मोनाय लोगो–लोगोनो केरानि सर्मिन्द्र पाठकखौ खानानै बे जाथायनि सायाव संदानाय हाबाफारिखौ जागायजेदौं होनानै मिथिनो मोनाय जादौं ।

भबानिपुराव गिख्रंथाव लामानि जाब्रबथायाव सासे जोखोम

समावनो कहराआव साननि २:४० रिगायाव ट्राकआ गात्रि जानानै सामलायनो हायै जाना जाब्रबथाय जायो । जाब्रबथायाव ट्राकनि सालायगिरिया जोखोम जादौं । जाब्रबथायनि खौरं मोनार्यनि उनावनो जाथायसालियाव पुलिसनि हान्ज्जाया फैनानै राइजो–रजाफोरजौं लोगोसे सालायगिरिखौ बोखानो नाजादौंमोनब्लाबो फेलें जादौं । नाथाय पुलिसआ गनै टिआएक्स् ३०, क्रेन, अर खोमोरग्रा हान्ज्जानि गारिखौ लाबोनो गोख्रौं नाजानार्यनि उनाव सालायगिरिखौ बोखानो हायो । लोगोसे २ घन्टानाडै बोखानांय हाबाफारि लानानै ट्राकनिफ़्राय सालायगिरिखौ मोनाबिलिनि ५ रिगायाव गोब्राब जोखोम जानाय थासारियाव बोखानो हायो । जोखोम जानाय सालायगिरिखौ बरपेटनि फकरुद्दिन आलि आहमेद फाहामथाय फरायसालिमा फाहामसालिसिम दैथायहरो । जोखोम जानाय सालायगिरिनि सिनायथिखौ खौरं सुजुनायसिमाव सिनायथिनो हायाखै ।

उमरांसु खैला खनियाव कक्राइारनि गनै नख’रनि ...

उमरांसु खैला खनियाव कक्राइार जिल्लानि सानै मावफारियाफोरा थाबथानानै थानांनाय जाथाया दिन्थिफुंदौं । मिथिनो मोनाय बादिब्ला, उमरांसु खैला खनियाव थाबथानानै थानांनाय कक्राइार जिल्लानि सानै मावफारियाफोरा जादौं कक्राइारनि सिथिला माजेरावनि कुसि महन राय (४७) आरो गुबुन सासेया ककक्राइारनि भाउरगुरिनि कलसिमारि गामिनि मावफारिया सर्प बर्मन (४१) । निखावरि नख’रखौ सुंथानो सिथिलानि कुसि महन रायआ से खावसे दान सिगां खैला खनियाव खामानि मावनो थान्दौंमोन । बिथांहा सानै फिसाज्ला, सानै फिसाजोनि गेजेराव सानै फिसाजो फारियै रबिता रायआ गोजौंसिन गेजेरारनि गिबि बोसोरव आरो सुरभि रायआ ८ थाखोयाव फरायगामिनो दं । गुबुन फासैथिं रंखान्थिनि आंखालनि थाखाय सोलौंथाइखौ आद्रायारव नागरनाय सानै फिसाज्ला फारियै सुभिद रायआ अरुणान्चलआव आरो ट्युषाष रायआ गुबुन राइज्यो गुजरातआव खामानि मावनो थाहैदौं । बे बिथिइव नख’र खुंनो थाखाय रं आर्जिनो थानानै कुसि महन रायआ मैयानिफ़्राय खैला खनियाव थाबथानानै थानाय जाथाया नख’रखौ जिंगायाव खोख्लैदौं । बे दुबुंनूथांवा खैरंखौ खोननाय लोगो–लोगोनो नख’रनि सुबुंफोर जर’खायै बिसि मधु राय आरो बिमा निस्वबाला रायआ मेगनाव मोदै लानानै कुसि महन रायखौ मोजाडै मोजां लाबोफिफ्नो थाखाय सरकारखौ खावलायहरदौं । बेराफासैथिं, गुबुन सासे मावफारिया सर्प बर्मननि न’थाबो मोनसे रोखोमनिनो थासारि साग्लोबदौं । रंखान्थियारि महरै लोखां नख’रनि सर्प बर्मनआ ससलै आशिग्रा । बिसि आरो सानै फिसाजोखौ लानानै जिउ खुंनायाव गोब्राब जानार्यनि जाउनाव सर्प हर्मनिनि नैथि फिसाजो मिना बर्मनिनि जुलिनि अक्ट’खौ फैगौ ३ मार्चव थि खालामनाय जादौं । बेनिखायनो जुलिनि खरसा दिहुनो थाखाय थानाय २६ डिसेम्बरआव सर्प बर्मनआ उमरांसुनि खैला खनियाव खामानि मावनो ऑंखारलौंदौंमोन । नाथाय सप्ताहनै जैथयावनो खैला खनियाव जाब्रबथायाव थाबथानानै थानार्यनि खौं मोनार्यनि उनावनो नख’रव दुखुनि सायखं साग्लोबदौं । रोका नडै इयुनिनि मिजिइव बिनि आरो सानै फिसाजोया रगा गैथै जादौं । दुबुंनूथाय नख’रआ गिबि मन्थि उ हिमन्त बिश्व शर्मा दैदनाय सरकार आरो खुंथायनिंसिम सर्प बर्मनखौ थाबैनो बोखानो थाखाय खावलायहरो ।

राइज्यो बेंगिरिया श्री श्री अनिरुद्धदेव गेलेमु मुलुगसोलौंसालिनि

मुलुगसोलौंसालिनि गुबुन बिबानगिरिफोरखौ गावसोरनि सिबिथाय होनो बिथोन होयो जाहाथे मुलुगसोलौंसालिया गायसनजानाय मानदान्दाखौ मावफुनो हायो । राइज्यो बेंगिरिया बुडीदि गेलेमुआ मोनसे गोनंथार सेक्टर, जाय मिरु आरो राइज्यो सरकारनिफ़्राय गोबां गोसो होजागामिनो दं । बेनिखायनो बिाइइ आसाम आरो गासै सा–सान्जा ओन्सोलनि लाइमोनफोरखौ गोहो होनायाव श्री श्री अनिरुद्धदेव गेलेमु मुलुगसोलौंसालिनि गोनॉंथिखौ रायखांफिनो । राइज्यो बेंगिरि आचार्यआ गासैबो स्टेकहोल्डरफोरखौ गासैबो जेंनाफोरखौ बारग’नो आरो बे फसंथानखौ थाबेनो फोजेवनो थाखाय खौसेथै खामानि मावनो खावलायो, जाय ओन्सोलनि लाइमोनफोरनि इयुनखौ महर होनो गोबां खावु दं ।

बरडाजुलियाव आदिबासि महासभानि गाहाइ खुन्थिया...

बरडाजुलि साबा बागाननि मेल जथुमसालियावै सरसनस्त्रा मेल खुंनानै शिमन कुजुरुखौ आफादगिरि, मिरु आफादनि आफादगिरि प्रदिप नाथखौ मावफुं आफादगिरि, उदालगुरि जिल्ला आफादनि आफादगिरि बबुल पाइकखौ गाहाइ नेहाथारि महरै लानानै सा ३१ सोद्रोमाफोरजौं बान्जाय आफादखौ दानाय जादौं । बरडाजुलि साहा बागानाव खुंजानो गोनॉं आदिबासि महासभाआव राइज्योनि गुबुन गुबुन ओन्सोलनिफ़्राय जरखा सुबुंफोरनि अनगायैबो माखासे मन्थि एमएलफोरा बाहागो लाफैगोन होन्ना बान्जाय आफादनि आफादगिरि आरो नेहाथारिया मिभथिहोदौं । सानब्रैनाडै खुंजानो गोनॉं आदिबासि महासभायाव ग्रंफ़ोमबो साहा बागाननि आदिबासि सुबुंफोरनि अनगायैबो राइज्योनि गुबुन गुबुन ओन्सोरनि हारि–बोरोन, राव सायख’आ जासे गासैबो हारिनि राइजो–रजाफोरनि हेफाजाब आरो नुजाथिफैनो बान्जाय आफादअ हांख्रायदौं ।

साबारिनि निमुवायाव बेंगुरा सुबुंफोरनि गेजेराव देहा ...

फोरमान लाइ दमोन । गुबुन फासैथिं, १९ रोजा बेंगुरा सुबुंफोर सरकारि मावखुलिसिम थानो हायैनि जाउनाव फोरमान लाइनिफ़्राय जानगराव थानो गोनॉं जादौंमोन । बेनि गेजेराव २०२१ माइथार्यनिफ़्राय दासिम १२ रोजा बेंगुरा सुबुंफोरनि गेजेराव बिटिसि सरकारनि समाज अन्साइ बिफाननिफ़्राय सरकारि फोरमान लाइ होनो हादौं । बेनि लोब्बाजौं बिटिसिनि मोनफ़्रोमबो बियाबाव देहा अन्जाद बादा खुंनानै बेंगुरा सुबुंफोरनो सरकारि फोरमान लाइ होनाय जादौंष आधिखालाव सरकारि फोरमान लाइनिफ़्राय जानगराव थानांनाय बेंगुरा सुबुंफोरनो २०२५ माइथार्यनि जुन दाननि गेजेराव सरकारि फोरमान लाइ होनायनि रहा लानाय जादौं । दिनेनि बे हाबाफारियाव जिल्ला देहा बिफाननि माखासे देहा फाहामगिरिजौं लोगोसे ओन्ससोलनि गागि सुबुंफोरबो बाहागो लायो । गुबुन फासैथिं, दिनें बिटिसिनि मावफुं सोद्रोमा गौतम दासआ निमुवायन बापुजि गोजौ फरायसालियाव ९ थाखोनि गासै सा ५४ फरायसफोरनि गेजेराव आसाम सरकारनि गिबि मन्थ्रिनि जर’खा सोलौंथाइ बिथांखिनि साइकेल रनानै होयो ।

मैपालपारायाव एमपि फान्डजौं लुनो गोनॉं राइजोआनि सावराय..

बिजेपिनि पासनै सेरफां मन्दलनि आफादगिरि जिबन डेका, मेराबिल भिसिडिसिनि आफादगिरि रतन गइजौं लोगोसे दोलोनि मावथि आरो ओन्सोलनि राइजो–रजाफोरा । भारत उदॉस्त्रिनि उनाव गिबि खेबनि थाखाय बे गामियाव एमपि फान्डनिफ़्राय बिथांखि होनो थाखाय दरं–उदालगुरि लक सभा बिबाबनि एमपि दलिप शइकियाखौ ओन्सोलनि राइजो–रजाफोरा साबायख’र जासिहरो ।

दिल्लीआव एडभान्टेज आसाम २.० र’ड शआ गोजौ थाखोनि दारिमिनगिरि आरो

बाहागो लानाय गिबि मन्थ्रिआ भारत सरकारनि फालांगि आरो दारिमिन मन्थ्रि पिपुष गयेलनि नुजाथिनायाव गोदान दिल्लीनि ताजमहल हटेलआव दारिमिन केप्टेइनफोरजौं लोगोसे सिइअ राउन्ड टेबलखौ दैदैनौंमोन । बे जथुमायाव आसामनि गोनॉंथि होनाय सेक्टरफोराव रं थिसन्यायखौ हांख्रायनायाव मिरु खालामनाय जादौंमोन, जेराव उ शर्माआ राइज्योनि रंखान्थियारि नोजेर आरो खान्थियारि दाथार्यनि सायाव गुमुर होयो । ‘ आसामा गोख्रौं खान्थियारि थुलुंगानाय, गोबां मिथिंयागारि फुंखाफोर, मुलुग थाखोनि बिथायारि सानजथाय आरो खोला–सान्जा एसियाजौं गोरलैयै फोनॉंजबनायजौं सालायजनाय रुजुजायै रं थिसन्यायनि खाबुफोर होयो । जौं दारिमिनफोरखौ जौंजौं लोगो जानो थाखाय खावलायो, मानोना जौं आसामनि दारिमिनारि जौगानायखौ दैदनो आरो गोदान खाबुफोरखौ आनलक खालामो होन्नानै उ शर्माआ बुडो । दारिमिनि गोबां गोदेमा दैदेनगिरिफोरा रं थिसनगिरिफोरनि राउन्ड टेबलआव बाहागो लायो आरो बे रोखोमसे आबेगाखौ गोमखांहोयो, मानोना बिथांमोनहा आसामनि बांलांनाय दारिमिनारि सोरबिथिं खान्थि आरो सरकारनि साग्रां नोजेरथि आरो फालांगि लोगोआरि बिथांखिफोरखौ नोजेर होयो ।

बिमस्टेक, आसियान, इउर’पियान, नर्डिक आरो गुबुन ओन्सोलफोरनि राजथान्दैफोरजौं लोगोसे राउन्ड टेबलआव उ शर्माआ आसियान, बिमस्टेक, इउर’पियान, नर्डिक आरो गुबुन हादतफोरनि राजथान्दैफोरखौ लाफानानै राजथान्दैफोरनि राउन्ड टेबलखौ दैदैनौंमोन । सावरायनाया आसामनि जाखांफुनाय सेक्टरफोराव फालांगि, फोनॉंजबनाय आरो बायजोआरि रं थिसनायखौ फेहेरनायाव मिरु खालामदौंमोन । ‘ आसामा आसियान आरो बिमस्टेकनि थाखाय भारतनि दरखं महरै खामानि मावो आरो जौं रंखान्थियारि सोमोन्दोखौ गोख्रौं खालामनो थाखाय रादाय होयो, जाय गासै ओन्सोलावनो मुलाम्फा होयो होन्नानै उ शर्माआ फोरमायो । आसाम सरकारनि सिफ सेक्रेटारि रबि कटानि आफाद दैदेननायाव फारसेआरि चेम्बर्स आरो फालांगियारि थान्दैफोरजौं मोनसे आलादा राउन्ड टेबलबो खुंनाय जायो । इलेक्ट्रनिक्स आरो सेमिकन्डाक्ट सेक्टरवा गहाथै गोसो होनाय जादौंमोन, जेराव राइज्योआ इलेक्ट्रनिक सिस्टेम डिजाइन आरो दिहुनथाय (इएस्डिएम) जौगानायखौ थुलुंगा होनो थाखाय जागिरडआव टाटा इलेक्ट्रनिक्सनि २७,००० कौटि अएसएटि (आउटसोर्स सेमिकन्डाक्ट एसेम्ब्लि एन्ड टेस्टिं) मावथांखिखौ बाहायदौंमोन । एर’स्पेस आरो रैखाथि दिहुन्थाय सेक्टरवा, आसामनि दैदेननायाव रैखाथि दिहुनग्राफोर आरो एर’स्पेस कम्पानिफोरखौ गोसो बोनार्यनि थांखिजौं जुनिया बिथायारि सानजथाय आरो मुलाम्फा गोनॉं खान्थियारि थुलुंगानायजौं सुजुनाय बाउसोमनाय दारिमिनारि ओन्सोलफोर जौगाहोनार्यनि बिथांखिफोरखौ बेखेवदौंमोन । बेफोर हाबाफारिफोरनि थांखिया राइज्योखौ जौगा दिहुन्थायनि मिरु महरै सोलायनाय, भारतनि गोसारलॉंनाय रैखाथि बायनाय बिथांखिफोर आरो गाव–सोनारनाय हाबाफारिफोरखौ मुलाम्फा खालामनाय । मोब्लिबआरि मबिलिटिखौ गोख्रैसिन सोलायनायखौ गनायनानै आसामा इथि दिहुनग्राफोर, कम्प’नेन्ट जगायग्राफोर आरो सांजि लुफुंथाय बानायग्रा बिथायारि सानजथायनि जौगाहोग्राफोरनिफ़्राय रं थिसनायखौ थुलुंगा होनानै मोब्लिबारि गारि (इथि) आरो अट’मटिभ सेक्टरफोरखौ सांग्राडैथुलुंगा होगामिनो दं ।

सरकारनि इथि खान्थिया बे गोनॉंथार दारिमिनाव गोख्रै जौगानायखौ रोखा खालामनो थाखाय राइरि थुलुंगा होयो आरो मोजाडैगनार्यथि होयो, जाय आसामखौ अरायथा रोगथाय राहाफोराव सिगामिन थाखोआव दोनो । सानखराइरि मोब्लिब गोहो दिहुन्नाय, सोमखोर हाइड्र’जेन दिहुन्थाय आरो हायइकार्बन मावथांखिफोरखौ फेहेरनायनि फारसे गोनॉंथार रं थिसनाय आरो खान्थियारि मददजौं राइज्योआ गोदान–गोदान गोहो सेक्टरखौबो गोनॉंथि होदौं । आसामनि गोबां मिथिंयागारि फुंखाफोर आरो हा मोनो हानाया गेदरे बिबानि गोदान गोदान गोहो मावथांखिफोरनि थाखाय मोनसे रुजुजायै खाबु होयो, जाय भारतनि गासै साफा गोहो थांखिफोराव बिहोमा होयो आरो ओन्सोलारि रंखान्थियारि जौगानायखौ थुलुंगा होयो । दावबायथाय आरो आलासि सिबिनाय सेक्टरवा, आसामा काजिरइ आरो मानास माहरियारि पार्क बायदि राइज्योनि इन्सेक्’ वल्ड हैरिटेज साइटफोरजौं लोगोसे गावनि धोनि मिथिंयागारि आरो हारिमुआरि उनमोनथायनि गोहोखौ बाहायबाय थादौं । बुलुंबुथुर दैमाखौ दैमा दावबायनायनि थाखाय मोनसे मिरु थावनि महरै दोननाय जादौं, जेराव लाकजारि कुज आरो सोरबिथिं–दावबायथाय हाबाफारिफोर दं, जायनि थांखिया मुलुगानडैजो गोजौ बेसेनिनि दावबायारिफोरखौ गोसो बोहोनाय ।

बे हाबाफारिया मख’जाथाव साखि्र सोमजिहोगोन आरो आलासि सिबिनाय आरो सोमोन्दो गोनॉं दारिमिनफोराव जायगायारि फालांगियारि जौगाथायखौ थुलुंगा होगोन होनना मिजिं थिनाय जादौं । बिनि अनगायैबो, आसामा मोदोमनाय आरो गोथाव दारिमिनाव गोसो होदौं, जाय गावनि आगरउड, सिट्र’नेला आरो लेमनग्रासनि गुवार बाखि्रखौ बाहायगामिनो दं । जौनि नोजोरा बे बिथिंफोराव जौगानायखौ बांहोनाय, जाय गोदान दिहुन्थायखौ थुलुंगा होयो, साखि्र सोरजियो आरो आसामखौ मोनसे रंखान्थियारि गोहोआव सोलायहोयो ’ होन्नानै उ शर्माआ बुडो । गिबि मन्थ्रिआ आसामनि २५,००० कौटि पिएएलआइ बिथांखिखो रायखांफिनो, जायखौ गिबिबाव मुम्बाइआव एडभान्टेज आसाम २.० र’ड यरनि समाव फोसावनाय जादौंमोन । बे बिथांखिया सिगां फै, सिगां मोनार्यनि बिथायाव मोब्लिबारि मटर–गारि, गोदान खालामफिनजानाय गोहो आरो सेमिकन्डाक्टरफोराव रं थिसन्यायखौ गोसो बोहोनायाव गोसो होयो । उ शर्माआ बुडोदि, ‘ आसामआ दिहुन्थाय साबसिनखो बांहोनानै आरो इयुनिनि थाखाय थियारि दारिमिनफोरखौ हेफाजाब होनानै भरतनि दारिमिनारि जौगानार्यनि फैगौ खोन्दोखौ दैदेननो थाखाय थियारि । जौनि पिएलआइ बिथांखि, गुबुन राइज्योफोरजौं होजानाय थुलुंगानायफोरखौ बारलॉंनायजौं इथि सेक्टरखौल’ जौगाहोनाय नइ, नाथाय गोबां बिबानि साखि्र आरो रंखान्थियारि जौगानायबो सोमजिहोगोन । दिल्ली र’ड शनि उनाव, फेब्रुवारी २०२५ माइथार्यनि गाहाइ जथुम्मानि सिगां थाइलेण्ड, मलेसिया, इउके, इउएएए, खोला कोरिया, जापान आरो सिंगापु्रआव हारिमायारि बादायलायनायजौं आसामनि रं थिसन्याया सोलिबाय थागोन । एडभान्टेज आसाम २.० – इनभेस्टमेन्ट एन्ड इन्फ़्रास्ट्रक्चार समिट २०२५ आ आसाम सरकारनि गाहाइ रॉं थिसन्याय जौगाहोनाय हाबाफारि, जायनि थांखिया नख’रारि आरो हारिमायारि रं थिसनगिरिफोरखौ गोसो बोहोनाय ।’ बे जथुम्मायाव रेलवे, रैखाथि आरो इलेक्ट्रनिक्स आरो फोरमायथाय बिरोंदामिन मन्थ्रि बिफानजौं लोगोसे मिरुआरि मन्थ्रिफोरा बाहागो लागोन होन्नानै मिजिं थिनाय जादौं, जाय हाबाफारिनि गोनॉंथिखौ आरोबाव बांहोगोन ।

सालबारिनि पालसिगुरिआव आदिबासिनि दुलाराय भारतआरि चार्ना धर्मनि आफादगिरिखौ ...

गामिनि थागिरि आरो चार्ना धर्मनि आसाम राइज्योनि आफादनि आफादगिरि बिश्वनाथ कुजुरनि दैदेननायाव पालसिगुरि, बासबारि ओन्सोलनि माखासे आदिबासि सुबुंफोर चार्ना धर्मनि दोरेडारि धोरोरारि दैखो रोजबनायजौं लोगोसे आदिबासि धोरोरमनि हारिमु दिन्थिनायजौं मोनसे गेदेत लेामा हान्जा सुरानयजौं चार्ना धर्मनि दुलाराय भारतआरि आफादगिरि आरो धोरोरमगुरु बान्थान टिग्राखौ बरयदौं । बेनि अनगायैबो मोनाबिलियाव पालसिगुरिनि चार्ना धोरोरमनि आर’ज खालामग्रा न’आव थुबुर जानाय आदिबासि राइजो–रजाफोरजौं बिथां बान्धन टिग्राआ चार्ना धोरोरमनि सोमोन्दै गुवारै बिबुंथि लाखिना राइजो–रजाफोरजौं सावरायलायदौं । आसामनि आदिबासिफोरनि गेजेराव धोरोरम फोसावनायजौं लोगोसे आदिबासिफोरनि जेंनाफोरखौ सुंस्थानार्यनि थाखाय आरो आदिबासिफोरनि गुबुन गुबुन जौंगाखं होनार्यनि थाखाय आसाम सरकारजौं लोगोसे भारत सरकारनिंसिम दाबि दैखदौं होन्ना बान्धन टिग्राआ खौरं बिजोइव बिबुंथि लाखिदौं । गुबुन फारसे बे हाबाफारियाव चार्ना धर्मनि आसाम राइज्योआरि आफादगिरि कुजुरआबो राइजो–रजाफोरखौ थांखिनायै बिबुंथि लाखिदौं ।

गाहाम देहानि राहा मुगु सबाइनिफ्राय गोवां मुलाम्फा मोनो

सबाइनिफ्राय देहायाव नांगोबादि प्रटिन आरो भिटाकिन मोन्नाय जायो। नाथाय गोथां मुगु सबाइनिफ्राय देहायाव बांसिन सुफुंसार थादेसाफोरखौ मोन्नाय जायो। बे सबाइआव मोन्नाय सुफुंसार थादेसाफोरा देहायाव गोवां मुलाम्फा लाबोयो। मुगु सबाइआव भिटाकिन सि, भिटाकिन केखौ लाफानानै गासैबो भिटाकिन मोन्नायजो लोमोसे आइसन, केल्सियम, फटासियम, कपार बायदि खनिजफोरखौ मोन्नाय जायो। बेयाव केलरिआ बाइइ जायो आरो प्रटिन, फाइबर आरो एन्टि अक्सिडेन्टि बिबांआ बांसिन जायो। जाउनाव बेखौ जायोब्ला देहायाव गोवां मुलाम्फा मोनो। बे सबाइखौ रुनाई जायोब्ला गाहायाव होनाय मुलाम्फाफोरखौ मोनो हायो। देहानि रोदाफोरा गोखौ जायो। रुनाय मुगु सबाइआव प्रटिननि बिबांखौ गोवां मोनो। जाउनाव बेनिफ्राय जॉनि देहानि रोदाफोरा



गोखौ जायो। जर'खायै मोदोम देरनायाव हेंथा मोन्नाय सुबुंफोरा बे दालिखौ रुनाई जायोब्ला गोवां मुलाम्फा मोनो। बेनि अनगायै मुगु सबाइआ जॉनि मेलेमखौ गोखौंसिन खालामो। जेराव बेखौ जायोब्ला जॉनि मेलेमनि मावनाय हाबाआ गोखौंसिन जायो। थामहिनबा बेयो जॉनि निउरल हेल्थखौ गोखौंसिन खालामो आरो माखासे सान्नाय बेरामफोरनिफ्राय रेहाय होयो। बेनि अनगायैबो बे सबाइआ उदैनि थाखायबो मुलाम्फा गोनां। बेयाव फाइबरनि बिबांखौ गोवां मोन्नाय जायो। जाउनाव जॉनि डाइजेसन

सिस्टेमा सावसिन जायो जायफोर सुबुंफोरा आदारखौ मोजाडै हजम खालामनायाव हेंथा मोनो आरो गेसनि अनगायै उदै साखांनय जेंनायाव गोगलैयो। बैफोरबादि सुबुंफोरा बे सबाइखौ जायोब्ला मुलाम्फा मोनो। बे सबाइखौ रुनायनि सिगां मोनायाव सोमनानै दोन्नांगो। जेराव सावसिनै थावनायनि थाखाय रुनायाव बे सबाइजौं प्यास, बानलु, टमेट', जिरानि फावदार होफानोबो हायो। जेराव बे सबाइनि रुनाय बिदैखौ सानफ्रोमबो फुंनि जामुंआवबो सोफानो हायो।

राज कुमारनि एखे महरनि सुबुंआ सशेल मिडियाआव दोहौ सोमजि होदौं



इनस्टाग्राम एबा सशेल मिडियानि गुबुन प्लेटफर्मआव नांथांमोनहा गोवां एखे महरनि सुबुंफोरखौ नुदौं जानांगौ, नाथाय जॉं नांथांमोनो राज कुमारनि सासे लुकएलाइक सुबुंजौं मोगा-मोगि खालामनो सान्दौं। बिनो महर मोखांनि बिधिंआव औरैबायदि कपि पेस्ट जे नांथांमोनहाबो नुनानै खर' गिदिंगोन। नांथांमोनहा गोवां लड लानो नाड मानोना बियो गुबैयै डुब्लिकेट नड, बेखौ भिडिअ फे सएफनि हेफाजाबजौंसो बानायनाय

जादौं। महर मोखांआ नंगुबैबाबो नाथाय बेनि अनगायै बिथांआ राज कुमारनि मोनसे औरैबायदि स्टाइलखौ हमथाना लादौंदि, अन्साइगिरिफोराबो बेखौ गावसिन मेगनजौं नुयोब्ला फोथायनोना हानाय नड। राजकुमारनि एखे महरनि सुबुंआ फावखुंगुर बायदिनो स्टाइलखौ एखे कपि खालामदौं, जायखौ नुयोब्ला फावखुंगुरखौनो पारफर्म खालामनाय बायदि नुगोन। बिनि स्टाइलआ साफ्रोमखौबो गोजाम बलिउड सावथुनफोरखौ गोसो खांहोदौं।

राजकुमारनि रंग'थि आरो गोखौ स्टाइलखौ कपि खालामनो हानाया गोलै नड नाथाय बियो जोबोद मोजाडैनो दिन्थिदौं, सशेल मिडिया इजार्सफोरखौ बे भिडिअजौं गोवां इमप्रेस्ड जानाय नुनो मोन्दौं। सुबुंफोरा बिखौ बाखायनानै गोवां कमेन्ट खालामगासिनो दं। सासेया लिरोदि, बेयो मा बलिउडनि गासै हिर'फोरा इन्सटाग्रामआव फे जोबबाय नामा ? गुबुन सासेया लिरोदि, आदा नौनि भिडिअखौबो हो आं जुबिन नौटियालनि लुकएलाइक। गुबुन सासेयावआ लिरोदि, जोबोद मोजां फबाय, एसेबां कियार भिडिअखौ नौं माबौरे बानायो। सासेया बाखायनानै बुडोदि, महरआ फेसएफजौं मिलाय होनायब्लाबो नाथाय स्टाइलआथ' गावनिनोमोन, मोजां फबाय बिन्दिनो भिडिअ बानायबाय था।

'पुष्पा 2' सावथुना हिन्दी रावआव मोजां रां आरजिनानै रेकर्ड बानायबाय

'पुष्पा 2 दा रुल' आ बक्स अफिसआव गोवां दोहौ सोमजिहोखांबाय। आल्लु आर्जुन, रश्मिका मन्दना आरो फहाद फासिलनि सावथुना हिन्दी रावआव 800 कौटि रंनि बांसिन रेकर्ड बानायबाय। अदेबानि भारतआव दासिमाव बे सावथुना गासै 1208 कौटि रंनि फालांगि खालामबाय। बेनि अनगायै वाल्डवाइड सावथुना 1831 कौटिनिखुइ बांसिन रां आरजिनानै सिगांसिनाव थाहैदौं। माखासे सावथुनफोरनि बायदिब्ला, दान मोनसे आबुं जाब्लानो बेनि उनाव रां आरजिनानय बिधिंडाव दावखलायनायखौ नुनो मोनो। नाथाय बे थियारिया पुष्पा रजनि सायाव खामानि होयाखै। साउथनि फावखुंगुर आल्लु



आर्जुनि सावथुना थिएटरआव 30 साननिखुइ बांसिन सम जाबाय, नाथाय बेनि रां आरजिनानया बिधिंहाव खमायनायखौ नुनो मोनाखै। थानाय सनाव सावथुना गासै हादतआन 1831 कौटि रंनि फालांगि खालामदौंमोन।

बबेखानि 33थि सानावबो बे सावथुननि रां आरजिनानयखौ गोवां दावखोनायखौ नुनो मोन्दौं। पुष्पा सावथुननि थामथि खोन्दोनि बाथा सावरायोब्ला आथिखालाव बेनि रिलिज अक्टखौ लानानै मेकासफोरा जेबो फोसावाखै। मिबथि

होनाय जायोदि, पाट 3 आव सोहैनानै पुष्पा रजनि सल'आ जोबहैगोन। दासिमाव सावथुनाव श्रिवल्लिनि फावआव रश्मिका मन्दनाखौ नुनो मोन्दौं आरो खलनायकनि पावआव फहाद फसिल, तारक पन्प्या आरो जगपति बापु

हिमेश रेशमियाआ गावनि गोदान 'बाइस रवि कुमार' सावथुनखौ लानानै खौरांआव थादौं

गावनि मेथाइफोर आरो मिउजिकजौं लाख लाख सुबुंफोरनि गोसोखौ देरहानो हानाय हिमेश रेशमियाआ गावनि गोदान सावथुन 'बाइस रवि कुमार' खौ लानानै खौरांआव थादौं। बावैसो सिगां बे सावथुननि ट्रेलारआ रिलिज जादौं आरो नायगिरिफोरनिफ्राय सरासन्हा रिसपन्स मोन्दौं। हिमेश रेशमियानि 'बाइस रवि कुमार' सावथुना गोबाव समनिफ्रायनो खौरांआव थादौं। सावथुननि ट्रेलारआव मुंदांखा देंखोगिरिखौ गोखौं एक्सन खालामनायबो नुनो मोन्दौं। नाथाय बे सावथुनजौं लोमोसे हिमेश रेशमियाआ औरैबायदि दिन्थिफुदौं, जायखौ दासिमबो सलमान खान, शाहरुक खान



आरो अक्षय कुमार बायदि फावगिरिफोराबो खालामनो हायाखै। अक्षय कुमार बायदि फावगिरिफोराबो खालामनो हायाखै। अदेबानि हिमेश रेशमियानि सावथुना रां आरजिनानय सिगांनो मोजाडैनो

फालांगि खालाम खाबाय। मिडिया रिपटनि बायदिब्ला, 'बाइस रवि कुमार' सावथुना रिलिजनि सिगांनो 20 कौटि रां आरजिबाय। सावथुना मिउजिक राइटसनिफ्राय 16 कौटि रां आरजिबाय। बेनि अनगायैबो सावथुना

साब्सिडिनिफ्राय 4 कौटि रां आरजिबाय। हिमेश रेशमियाआ सिगांनो सावथुननिफ्राय 20 कौटि रंनि मुलाम्फा जाबाय। सावथुननि बाथा सावरायोब्ला, बेयो बिथांनि 2014 माइथायाव नुजाथिनाय 'दा एक्सपज'

सावथुननि फ्रेन्चाइजि। हिमेश रेशमियाआ सावथुनाव गावनि आइकनिक फाव रवि कु मारनिफ्राय स्पिन अफ खालामगोन। बिथांआ 'बाइस रवि कुमार'नि टिडारखौ रिलिज खालामनानै बे सावथुनखौ फोसावदौंमोन। टिजारआव हिमेश रेशमियानि एक्सन फावखौ नुनो मोन्दौं। हिमेश रेशमियानि सावथुना 7 फे बूवारीखालि सिनेमा हलफोराव रिलिज जागोन। सावथुनाव हिमेशजौं लोमोसे प्रभुदेवाखौबो लिड फावआव नुनो मोनगोन। प्रभुदेवाखौ भिलेननि फावआव नुनो मोनगोन। जर'खा बाथाया बेनोदि, सावथुनखौ हिमेश रेशमियाआनो डायरेक्ट आरो प्रडिउस खालामदौं।

काजल अग्रवालआ 'कनप्या' सावथुनाव बिमा पारबतिनि फाव खालामगोन



सिंघम सावथुननि फावखुंगुरखौ नांथांमोनहा गोसोआव दं जानांगौ, बिथांआ बलिउडआव 'स्पेशल 26' बायदि सावथुनावबो खामानि मावदौंमोन। अदेबानि सिंघम सावथुननि फावखुंगुर काजल अग्रवालआ आथिखालाव पर्दाआव पारबतिनि फाव दिन्थिनो नागिरिदौं। काजल अग्रवालआ 'कनप्या' सावथुनाव पारबतिनि फाव खालामगोन आरो बेनि मोनसे नुथाइखौ बिथांआ सशेल मिडियाआव शेयारबो खालामदौं। बबेखानि पारबतिजौं लोमोसे शिबनि फावआव बलिउडनि फावखुंगुर अक्षय कुमारखौ नुनो मोनगोन होन्ना खौरां मोन्नाय जादौं। जौं सावरायगासिनो दं बलिउडनि फावखुंगुर एबा बलिउडनि 'फिल्म मेशिन' अक्षय कुमारनि बाथा। नाथाय बेयो दा रोखा जायोदि, अक्षय कुमारआ भगवान शिबनि फावखौ दिन्थिगोन। बेनि सिगां काजल अग्रवाल आरो अक्षय कुमारनि ज'राखौ 'स्पेशल 26' आव रिलिज जागोन। सावथुनआव महनलाल, शरतकुमार, महन बाबु, प्रिदि मुकुन्दर आरो मधुमोनखौ गाहाय फावआव नुनो हागौ। सावथुननि प्रडिउसरआ महन बाबु आरो सावथुननि डायरेक्सनखौ मुकेश कुमार सिंहआ होदौं। सावथुननि स्क्रिनप्लेआ बिष्णु मन्बनि। काजल अग्रवालआ जेब्ला 'कनप्या' निफ्राय गावनि लुकखौ शेयार खालामदौंमोन अब्ला बै समाव बिथांनि पस्टआव अन्साइगिरिफोरजौं लोमोसे सेलिब्रिटीफोरनिबो गोवां कमेन्टफोर फेदौंमोन। तमन्ना भाटियाआ स बिउटिफुल लिस्टदौंमोन, डायना पेन्टिआ इमजिजौं लोमोसे कमेन्ट खालामदौं। बबेखानि काजल अग्रवालआ बे फावखौ गावनि डिम रल होन्ना नै मिबथि होदौंमोन।

पायल कपाडियाआ गल्डेन ग्लोब्स एवार्डआव देरहासार जानो हायैनि उनाव गिबि रिएक्सन होदौं

पायल कपाडियानि कान्सआव जाफुंसारनो हानाय सावथुन 'अल वी इमेजिन एज लाइट' आ 82 थि गल्डेन ग्लोब्स एवार्ड हाबाफारियाव बान्था मोन्नो हायासै। अदेबानि, डायरेक्टरआ बे जेनायखौ जोबोद गोरलैयै लादौं आरो गावनि इनस्टाग्राम स्टरिफोराव मोनसे एक्साइटि पस्ट शेयार खालामदौं। पायल कपाडियाआ इभेन्टआव सावथुननि प्रडिउसरफोरजौं लोमोसे दंफायोमोन। पायलआ मोनसे सावगारि शेयार खालामदौं, जेराव बिथांखौ गल्डेन ग्लोब्सआव थानायायनि सिगां थमास हकिम, जुलियन ग्राफ आरो राणाबिर दासजौं लोमोसे पज होनाय नुनो मोन्दौं। पायलआ केप्सनआव लिरोदि, जौं जेबो देरहानो हायासै, नाथाय जोबोद रंजादौं। बिथांआ बेजौं लोमोसे मोनसे मुजिथावना इम'जिबो होफादेरदौं। पायलआ पस्टआव गावनि डिजाइनारफोरखौ साबायखर होदौं। बिथांआ बे खाबुआव आखायजौं सुनाय जाम्पसुट



गान्दौंमोन। मुन्बाइनि सानै नार्सफोरनि सोमोन्दै गोसो बोनो हानाय ड्रामा लानानै फैनय अल वी इमेजिन एज लाइटआ गल्डेन ग्लोब्सआव मोनै नमिनेशन मोन्दौंमोन, जायफोरनो जादौं बेस्ट नन इंग्लिश लेंगुवेज मशन पिक्चर आरो भेस्ट डायरेक्टर। गिबि केटेगिरिआव सावथुना एमिलिया पेरेजजौं जेनो। डायरेक्सन केटेगिरिआव दा बूटलिस्टआव बान्था देरहादौं। पायल कपाडियानि गिबि फिचर फिल्मआ कान्सआव प्रिमियारनि उन्ननिफ्रायनो इन्टरनेशनल लेभेलआव गोवां बाखाय जादौं। बे सावथुनखौ

निउयर्क फिल्म क्रिटिक्स सार्किलआ बेस्ट इन्टरनेशनल सावथुननि मुं होदौं आरो बावैसो सिगां गथम बान्थाआव बे केटेगिरिआवबो बान्था देरहादौं। अल वी इमेजिन एज लाइटआ साइट एन्ड साउन्ड मेगाजिननि बोसोरनि मोन 50 बेस्ट सावथुनफोरनि एनुएल लिस्टआव टप पजिशनआव जायगा आवगिरो नो हादौं। मालायाल-हिन्दी फिचरखौ आमेरिकायाव जेनस फिल्मस आरो साइडशआ डिस्ट्रिबुट खालामदौं आरो भारतआव राणा बागुदातिआ बे सावथुनखौ रिलिज खालामदौंमोन।

अस्कार 2025 नि थाखाय एलिजिबल 323 फिचर फिल्मफोरनि लिस्टखौ फोसावबाय



97 थि अस्कार एवार्ड सेरेमनिआ खुंजानो 2 दानल' दंसे आरो एकाडेमि अफ मशन पिक्चर आर्टस एन्ड साइन्सेजआ बे बोसोरनि अस्कार बान्थानि थाखाय एलिजिबल 323 फिचर फिल्मफोरनि लिस्टखौ फोसावबाय। बेनि गेजेराव मोन 207 सावथुनफोरा प्रेस्टिजियस बेस्ट फिल्म केटेगिरिनि थाखाय गासै गोनांथिफोरखौ सुफुडो। बे गोलाव लिस्टआव मोन 5 भारतीय सावथुनफोराबो दंफायो। बे सावथुना जुदि आवगायलानो हायोब्ला गासै हादतवनो मुं आरजिनानै जॉनि हादतनि मुंखौ गोग्गाथाव

खालामनो हागोन। बे लिस्टआव मोन 3 साउनि सावथुनफोर आरो मोन 2 हिन्दि सावथुनफोर दं। गिबिसिनाव सुर्यानि 'कंगुवा' सावथुना सावराय जायो मानोना बे सावथुनाबो लिस्टआव दं। बेयो गावसिनि गुबै भार्जन एबा तामिलआवनो फारिलाइआव दंफायो। बेनि अनगायै दा गट लाइफ एबा आजुजिविथमखौबो लिस्टआव लानाय जादौं। जर'खा बाथाया बेनोदि, बे सावथुननि हिन्दि भार्जनआ लिस्टआव जायगा मोन्दौं। 2024 माइथायाव नुजाथिनाय 'संतोष' सावथुनखौबो सायख'नाय

जादौं। बे सावथुनाव शाहना गस्वामिआ लिड रलआव दं। हिन्दिनि मोनसेबाव सावथुन जाय 207 सावथुनफोरनि गेजेराव दंफायो, बेयो जादौं 'स्वातन्त्र वीर सावरकर'। रणाबिप हुड्डानि बे सावथुनआबो अस्कारनि रेसआव थाफानो हागौ। बावैसो सिगां गल्डेन ग्लोब 2025 खौ लानानै खौरांआव थानाय अल वी इमाजिन एज लाइटआबो बेस्ट फिक्चर केटेगिरिनि थाखाय बानायनाय लिस्टआव दंफायो। नमिनेशननि थाखाय भटिआ 8 जानेवारी, 2025 निफ्राय जागायगोन आरो 12 जानेवारी, 2025 आव जोबगोन। अस्कारआ 17 जानेवारी, 2025 आव फाइनाल नमिनेशनखौ एनाउन्स खालामगोन। भारतनि अन्साइगिरिफोरा बे एनाउन्स खालामनायखौ नेनानै दं आरो खोनासंनो थाखाय जोबोद एक्साइटेड जादौं। अस्कार 2025 आ 2 मार्च 2025 आव अवेशन हलिउडनि डल्लि थियेटरआव जागोन।

उरिष्या सरकारआ भारतीय ख'ख' हान्जाखौ 3 बोसोरसिम मदद होलांनो फोसावबाय

भुबनेश्वर, 7 जानुवारी: उरिष्या सरकारआ भारतनि हायुडरि हान्जानि थाखाय 3 बोसोरारि मददनि गोरोबथा फोसावबाय। जेराव उरिष्या सरकारनि बे मददआ हादरआव गेलेमुफोरखौ सिगांफासै लाबोनायाव मख'जाथाव बिगोमा होगोन। राइज्योनि गिबि मन्थ्र महन चरन माझिआ बे समाव राइज्योनिफ्राय उरिष्या माइनि कर्पेसननि गेजेरजों रडरि मदद होनो थिरंथा लानायखौ फोरमायदों। जेराव बिथाडा



सोलिफु दानिफ्राय लानाने 2027 नि डिसेम्बर दानसिम

आसाम राइफलआ लोगोयारि भलिबल मेच खुंफुंदों



गुवाहाटी, 7 जानुवारी: आसाम राइफल्सआ लखानि सिडव थानाय मुरगाव गामिनि थागिबि लाइमोनफोरजों लोगोयारि भलिबल मेच बाञ्जायदों। जेराव बे मेचनि गेजेरजों आसाम राइफलआ लाइमोनफोरनि गेजेराव देहाखौ मोजाडै लाखिनायनि मिजिंथिजों खुंफुंदों। बे हाबाफारिआव सा 40 नोगोरारिफोरजों लोगोसे सा 84 आसाम राइफल्सनि जवानफोरखौ लाफानाने गासै सा 124 सुबुफोर सेलेन्जआव ओंखारदों। जेराव गासै खेबथाम राउन्डनि बादायनायाव जायगानि सुबुफोर गिबि राउन्डआव देरहायो। बेनि उनाव उननि खेबने राउन्डआव आसाम राइफल्सनि हान्जाया एन्ट्रि लानो हादों। मख'नाय जायोदि, लोगोयारि बादायलायनाय मेचआव हान्जायारि हाबा, आबुथि आरो गावजों गाव मान होज्जलयाना रैनिया हान्जा आरो ओन्सोलारि सुबुनि गेजेराव गोखों बादायनायखौ नुनो मोनो। बेबादि थासारिआव नोगोरारि आरो रैनियानि गेजेराव सोमोन्डोआ साबसिन जायो। बेबादि हाबाफारिनि गेजेरजों नोगोरारि आरो रैनियानि गेजेराव सोमोन्डोआ गोखों थायो आरो मोनसे मोजा आवहावा सोमजियो। जाउनाव बेबादि थासारिआव नोगोरारिफोरनि मोजा सावसि थानायजों लोगोसे बिसोरनि गेजेराव रैनियाफोरखौ मान होनाय सान्दांथिआबो बांनो हामो। बेबादि बादायलायनायाव खौसेथिनि मोन्थोरजों देरहानो थाखाय गेलेगिरिफोर थियारि जानांगौ जायो।

लक्ष्य सेन आरो प्रनयआ मालएसिया अपेन 2025 आव भारतनि हान्जाखौ दैदेनो साखा-फारा



गोदान दिल्ली, 7 जानुवारी: गोजौ थाखोनि मुंदांखा गेलेगिरि लक्ष्य सेन आरो एडसएस प्रनयआ गावसोरनि रोंगथिजों बेडमिन्टनि फोथारआव गोबां मुं आर्जिबाय। जेराव अन्सायगिरिफोरा बे खेबआवबो बिथांमोननि सायाव जर'खायै नोजोर गोल्लैगोन। मानोना बिसोर सानैआ मालएसिया अपेन 2025 आव बोसोरनि

गिबि बिमुं देरहानायनि मिजिंजों साकिं तआव ओंखारगोन। बिथांमोनहा मालएसियानि रजथावनिआव थानाय स्टेडियाम आजियाता एरेनाआव जानो गोनां बिडब्लिउएफ वर्ल्ड टुरनि गिबि सुपार 1000 इभेन्टआव मोजाडै आगान सुरनो नाजागोन। जेराव हौवाफोरनि सिंगेल्सआव लक्ष्यआ चीना ताइपेनि यु जेन चिजों सेलेन्जआव ओंखारगोन। सिराग आरो सात्विकनि जावजाआ 7 थि थाखोनि बादायारि महरै बेयाव मोजाडै दिन्थिफुंनो नाजागोन। जेराव आइजोफोरनि सिंगेल्सआव आकर्षि काश्यपआ जेनमार्कनि जुलि डभालजों सेलेन्जआव ओंखारनाय समाव मालभिक्र बन्सतआ मालएसियानि ग'जिन वे ससुअंजों सेलेन्जआव ओंखारगोन।

त्रिचा आरो गायत्रीनि जराआ मालएसिया अपेननि प्री-क्वार्टर फाइनालाव

गोदान दिल्ली, 7 जानुवारी: भारतनि त्रिचा जली आरो गायत्री गपिचान्दनि आइजो जावजाआ थाइलेन्डनि अर्निचा जोसाथापनपान आरो सुकिता सुभासाइनि जराखौ थोंजों सेटआव फेजेनाने मालएसिया अपेन सुपार 1000 बेडमिन्ट टूर्नामेन्टनि प्री-क्वार्टर फाइनालाव सौहैबाय। 16 थि रेंकिनि भारतनि जराआ 30 मिनिटआवनो बेरेखा जराखौ 21-10, 21-10 स्करआव फेजेनाने जोबथा 16 आव सौहैदों। लखौआव सैयद मदि इन्टरनेसनेल सुपार 3000 टूर्नामेन्टआव गावसोरनि रोंगथिजों आवगायनाय त्रिचा आरो गायत्रीआ रेंकि गैजायै बेरेखा थाइलेन्डनि जराजों नांगोबादि गोखों सेलेन्ज मोनाखे। जाउनाव भारतनि जराआ बे सेलेन्जखौ गोल्लैयो बारनो हादों। गिबि बादायनायाव माखासे समावनो भारतनि जराआ 17-

8 स्करआव आवगायदों। नाथाय मोनसे समाव मोनने हान्जानि गेजेराव 8-8 स्करआव समान जादोंब्लाबो भारतनि जराआ जोबथायाव एन्ट्रि लानो हादों।



गासै 15 कौटि रंनि मदद होनाया भारतयारि हकीजों जाफु'सार बाहागोदारि जाखानायनि उनाव उरिष्याआ आरोबाव गुबुन थाखोनि गेलेमुफोरारव जौगानाय लाबोनो आगान सुरदों। सरकारनि बेबादि हान्जाखौ मदद होनो थिरंथा लानाया अन्सायगिरिफोरनि गोसोआव रंजानाय लाबोदों। जेराव बेनि गेजेरजों आरोबाव ख'ख' हान्जायाव जौगानाय फेगोनखौ मिजिंथिदों।

अलिम्पिक गल्ड मेडलिस्ट इरिका अइबेआ भारतीय आइजो रसलारफोरनि थाखाय थियारिनि अभियान जागायदों

गोदान दिल्ली, 7 जानुवारी: अलिम्पिक गल्ड मेडलिस्ट आरो कानाडानि मुंदांखा रसलार इरिका अइबेआ आइआइएस एक्सेलेन्ज एक्सेलेटरनि नैथि सिजननि बाहागोदारि महरै भिजय नगरनि इनस्पयार इन्स्टिटुट अफ स्पोर्ट्सआव भारतयारि आइजो रसलारफोरनि थाखाय मोनसे थियारिनि बादा खालामनो जान्जि खाफ्रादों। गावनि आदोबजों गिबियै थियारि खालामनो जान्जि खाफ्रानाय बे अभियानजों आइआइएस इनाइटेड वर्ल्ड रसलिं इन्टरनेसनेल अमेन्स रसलिं बादायाव मुलुगनां थाखोनि रोंगथिखौ लाबोनो थिरंथा लादों आरो जर्जियानि जुड' गेलेगिरि लासा शाभादातुवाशभिलीआबो बे बादायाव बाहागो लागोन। अइबेआ 2014 नि सिजनआव मोनफ्रेमबो टूर्नामेन्टखौ देरहानाये बयखौबो सोमोनांहोदोंमोन। जेराव बिथाडा बै समाव गासै खेब 36 मेचफोरव देरहादोंमोन। बिथाडा 2014 आव कमनवेलथ गेम्सआव 75 कि:ग्रा: फ्रीस्टाइल केटेगिआव सनानि



मेडेल देरहानायनि उनाव 2018 आव फिन सनानि मेडेल देरहाबावदोंमोन। 2016 नि सामार अलिम्पिक आवबो बिथाडा सनानि मेडेल देरहादों। जायनि उनाव बिथाडा मुम्बाइ महारतिनि के प्तेन महरै इन्डियान प्र: रसलिं लीगनि बेखेवनाय सिजनआव बाहागो

लादोंमोन। बिथाडा कानाडानि नैथि सनानि मेडेल देरहागिरि महरै बे खेबआव भारतीय रसलारफोरनि गेजेराव गावनि थियारिखौ सोनानै होनो नाजागोन। जेराव भारतनि रसलारफोरा बिथांनिफ्राय आरोबाव सोलोनो मोन्नायनि खाबुखौ मोनगोन।

आश्विनी कुमार शेटिया आरो तलान शेटिया मेम 'रिएल फुटबल टूर्नामेन्ट'आ जागायजेनबाय



गौरिसागर, 7 जानुवारी: आश्विनी कुमार शेटिया आरो तलान शेटिया मेम 'रिएल इन्भाइटेसनेल फुटबल सेम्पियनसिपआ जागायबाय। ताइ आहम फरायसा आफादजों खुंजानाय बे सेम्पियनसिपआ शिबसागर हान्सरा एडसएस स्कुलनि गेलेग्रा फोथारआव खुंजादों। जेराव जागायजेनाय सानखालि अन्सायगिरिफोरा

थावनिहिसम नायनो थाखाय गोबाडै सौहैदों। बेखेवजेनाय मेचआव इभेनिं स्टा एफसि नाजिराआ हान्सरा एफसिखौ 4-3 गलआव फेजेन्दों। जेराव मोननैबो हान्जाआ बे समाव गोखों सेलेन्ज होज्जलायदों ब्लाबो इभेनिं स्टा रनि हान्जाया जोबथा बुब्लिआव खाबु लानो हादों। बे सेम्पियनसिपखौ गागि

आसामनि उमा शेत्रिआ भारतनि आइजोफोरनि क्रिकेट हान्जायाव जायगा मोन्दों



गुवाहाटी, 7 जानुवारी: आसामनि उडके ट क्रिपार बेटसमेन उमा शेत्रिआ आयारलेन्डनि हेंथायै गेलेनो गोनां आइडिएफसि फास्ट बेंक वन्डे सिरिजनि थाखाय भारतनि सेनियर आइजोफोरनि क्रिकेट हान्जायाव सायख'जानो हादों। 2022-25 आइसिसि अमेन सेम्पियनसिपनि बाहागोयारि खेबथाम मेच सिरिजआ फेगौ 10-12 आरो 15

जानुवारिखालि गुजराटनि निरन्जन साहा स्टेडियामआव जागोन। जेराव राजकटआव खुंजानो गोनां बे सिरिजआव अन्सायगिरिफोरा बिथांनि रोंगथिखौ नख'रारि फोथारआव नायनो खाबु मोनगोन। आसाम क्रिकेट एस 'सिएसनआ हायुडरि हान्जायाव शेत्रिनि सायख'जानायखौ लानानै गोजोनाय फोरमायदों। जेराव एस 'सिएसननि आफादगिरि तरंगा गैआ बेबादि खाबु मोन्नायखौ आसामनि क्रिकेटनि फोथारआव मोनसे गोग्गाथाव बुब्लि फेदों होन्ना फोरमायनायजों लोगोसे उमानिसिम गहाम हामलायथि हरो आरो भारतनि जानानै सिरिजआव मोजाडै दिन्थिफुंनो हागोनखौ मिजिंथिदों। शेत्रिनि सायख'जानाया जर'खायै

मोननैयै उडकेट लादोंमोन। बेनि फिन्नायाव आसामआ 5.3 अभावरआवनो टार्गेटसिम सौहैदों। जायनि फारिआव शेत्रिआ 9 रान आरो गायत्री गुरुंआ 13 रानआव उडकेट खोमानाडालासे थानो हादों। केपेन स्मृति मन्दानि दैदेनायाव भारतनि हान्जाया बे जारिमिनारि बायलिटारेल सिरिजआव आयारलेन्डजों मोगा-मोगि जागोन। मानोना बेयो आयारलेन्डनि भारतआव गिबियै आगान होफेजेनाय जागोन।

16 बोसोरनि अनहत सिंहआ ब्रिटिस जुनियर अपेनआव जाफुंसारदों



गोदान दिल्ली, 7 जानुवारी: 16 बोसोर बैसोनि अनहत सिंहनि मुंखौ बांसिन सुबुफोरानो मिथिया जानांगो। नाथाय फेगौ समाव बिथाडा गावनि मुंखौ स्कवाशनि फोथारआव जर'खायै सिनायथिहोनो हागो। लाइमोन बैसोआवनो अनहतआ स्कवाशनि फोथारआव गोबां जाफुंसारनो हाबाय। बेबादिनो इलेन्डआव खुंजानाय स्कवाश आन्डार 17 ब्रिटिस जुनियर अपेननि बिमुं देरहानानै बिथाडा गावनि मुंखौ हारियायारि फोथारनि फासै आवगायहोनो हाजेन्दों। बेनि सिगां बिथाडा एसियान गेम्स आरो एसियान सेम्पियनसिपआव गनैयै देरहादों। अनहतआ इलेन्डआव बिमुनि बादायनायाव इजिप्टनि मलिका एल्काराक्सिखौ फेजेन्दों। जेराव बे बादायनायाव बिथाडा गोब्राव सेलेन्जनि गेजेरजोंबो 3-2 स्करआव देरहादों। वर्मिधम इडनिभासिस्टिनि ग्लास कर्टआव बिथाडा एल्काराक्सिखौ 4-11, 11-9, 6-11, 11-5, 11-3 स्करआव फेजेन्दों। बेनि सिगां क्वार्टर फाइनालाव बिथाडा नाग्या तामेखौ 3-0 स्करआव फेजेनानयनि उनाव सेमिफाइनालाव इजिप्टनिनो रुकैया सलेमखौ 9-11, 11-6, 11-8, 11-6 स्करआव फेजेन्दों। बिथाडा आन्डार 11 आरो आन्डार 15 बैसोयारि केटेगिआव ब्रिटिस जुनियर अपेननि बिमुंबो देरहाखांबाय।

टेस्ट सेम्पियनसिपनि फारिलाइआव फिन सोलाय-सोल'



खोला आफ्रिकानि गेजेराव फाइनालखो नुनो मोनहैगोन। जायनि फारिआव भारतआ बे रेसनिफ्राय जायखारदोंब्लाबो डब्लिउटिसिनि जाउनाव मेच गेलेगासिनो दड। जायनि जाउनाव पडन्टनि फारिलाइआवबो सोलाय-

सोल' जानानै फेदों। खोला आफ्रिकाआ पाकिस्तानखौ नैथि टेस्टआव गांथि यै फेजेनानयनि उनाव पडन्टनि फारिलाइआव सोलायनाय फेदों। खोला आफ्रिका आरो पाकिस्ताननि गेजेराव बादायनाय बे मेचनि उनाव

खोला आफ्रिकाआ नम्बर 1 आव सौहैदों। जेराव बे हान्जाया दासिमआव गेलेनाय खेब 12 मेचआव खेब 8 आव देरहाबाय। जाउनाव हान्जानि पिंसिटिआ 69.44 आव थाहैयो। बे फारिआव खेब 17 मेचआव खेब 11

देरहानायजों अस्ट्रेलियाआ नैथिआव जायगा मोनो। जेराव हान्जानि पिंसिटिआ बे समाव 63.73 आव थाहैदों। फाइनालिस्ट फोरनि सावगारिफोरा रोखा जानायनि उनावबो मोननै हान्जाफोरनि मेचआ खुंजानो आद्रा दंबावो। बेबादि समाव भारतनि थासारिखौ नोजोर होयोब्ला खेब 19 मेचआव भारतआ खेब 9 आव देरहादों आरो खेब 8 आव जेन्नायजों 50 पिंसिटिजों थामथि नम्बरआव जायगा मोनो। नाथाय निउजिलेन्डनि हेंथायै लांथ्रियै खेबथाम जेन्नायनि उनाव भारतआ दावख्खायना फे फिन्नायनिफ्रायनो सिगांफिन्नो हायाखौ।